



श्री गुरुः

ছড়ার ছবি

রবীন্দ্রনাথ ঠাকুর

নন্দলাল বসু -কর্তৃক চিত্রাঙ্কিত



বিশ্বভারতী গ্রন্থালয়

২ বঙ্কিমচন্দ্র চট্টোপাধ্যায় স্ট্রীট । কলিকাতা

শ্রীমন্দলাল বসু -অঙ্কিত
প্রচ্ছদ এবং একত্রিশখানি রেখাচিত্র ও সাতখানি টোনের ছবি -সংবলিত
প্রথম প্রকাশ আশ্বিন ১৩৪৪

পুনর্মুদ্রণ ফাল্গুন ১৩৫২
চৈত্র ১৩৬৭ : ১৮৮৩ শক

© বিশ্বভারতী ১৯৬১

ভূমিকা

এই ছড়াগুলি ছেলেদের জন্তে লেখা। সবগুলো মাথায় এক নয় ; রোলার চালিয়ে প্রত্যেকটি সমান সুগম করা হয় নি। এর মধ্যে অপেক্ষাকৃত জটিল যদি কোনোটা থাকে তবে তার অর্থ হবে কিছু ছুঁরুহ, তবু তার ধ্বনিতে থাকবে সুর। ছেলেমেয়েরা অর্থ নিয়ে নালিশ করবে না, খেলা করবে ধ্বনি নিয়ে। ওরা অর্থলোভী জাত নয়।

ছড়ার ছন্দ প্রাকৃত ভাষার ঘরাও ছন্দ। এ ছন্দ মেয়েদের মেয়েলি আলাপ, ছেলেদের ছেলেমি প্রলাপের বাহনগিরি করে এসেছে। ভঙ্গসমাজে সভাযোগ্য হবার কোনো খেয়াল এর মধ্যে নেই। এর ভঙ্গীতে, এর সজ্জায় কাব্যসৌন্দর্য সহজে প্রবেশ করে, কিন্তু সে অজ্ঞাতসারে। এই ছড়ায় গভীর কথা হালকা চালে পায়ে নুপুর বাজিয়ে চলে, গান্ধীরের গুমর রাখে না। অথচ, এই ছড়ার সঙ্গে ব্যবহার করতে গিয়ে দেখা গেল, যেটাকে মনে হয় সহজ সেটাই সব চেয়ে কম সহজ।

ছড়ার ছন্দকে চেহারা দিয়েছে প্রাকৃত বাংলা শব্দের চেহারা। আলোর স্বরূপ সম্বন্ধে আধুনিক বিজ্ঞানে ছোটো উল্টো কথা বলে। এক হচ্ছে, আলোর রূপ চেউয়ের রূপ ; আর হচ্ছে, সেটা কণাবৃষ্টির রূপ। বাংলা সাধুভাষার রূপ চেউয়ের, বাংলা প্রাকৃত ভাষার রূপ কণাবৃষ্টির। সাধুভাষার শব্দগুলি গায়ে গায়ে মিশিয়ে গড়িয়ে চলে, শব্দগুলির ধ্বনি স্বরবর্ণের মধ্যবর্তিতায় আঁট বাঁধতে পারে না। দৃষ্টান্ত যথা—

শমনদমন রাবণরাজা ; রাবণদমন রাম।

বাংলা প্রাকৃত ভাষায় হসন্তপ্রধান ধ্বনিতে ফাঁক বুজিয়ে শব্দগুলিকে নিবিড় করে দেয়। পাত্‌লা, আজ্‌লা, বাদ্‌লা, পাপ্‌ড়ি, চাঁদ্‌নি প্রভৃতি নিরেট শব্দগুলি সাধুভাষার ছন্দে গুরুপাক।

সাধুভাষার ছন্দে ভদ্র বাঙালি চলতে পারে না, তাকে চলিতে হয় ; বসতে তার নিষেধ, বসিতে সে বাধ্য ।

ছড়ার ছন্দটি যেমন ঘেঁষাঘেঁষি শব্দের জায়গা, তেমনি সেই-সব ভাবের উপযুক্ত যারা অসতর্ক চালে ঘেঁষাঘেঁষি করে রাস্তায় চলে, যারা পদাতিক, যারা রথচক্রের মোটা চিহ্ন রেখে যায় না পথে পথে— যাদের হাতে মাঠে যাবার পায়ে চলার চিহ্ন ধুলোর উপর পড়ে আর লোপ পেয়ে যায় ।

২ আশ্বিন ১৩৪৪

শাস্তিনিকেতন

রবীন্দ্রনাথ ঠাকুর

বোমাকে

হুচীপত্র

অচলা বুড়ি	...	৪৯
অজয় নদী	...	৮৯
আকাশ	...	৮১
আকাশপ্রদীপ	...	৯৭
আতার বিচি	...	৬৩
কাঠের সিঙ্গি	...	১১
কাশী	...	৩২
খাটুলি	...	১৫
খেলা	...	৮৫
ঘরের থেয়া	...	১৯
চড়িভাতি	...	২৯
ছবি-আঁকিয়ে	...	৮৬
জলযাত্রা	...	১
বাড়	...	১৩
তালগাছ	...	৭১
দেশান্তরী	...	৪৫
পন্নায়	...	৪০
পাথরপিণ্ড	...	৬৯
পিছু-ডাকা	...	৯১
পিস্নি	...	৮
প্রবাসে	...	৩৭
বালক	...	৪৩
বাসাবাড়ি	...	৭৮
বুধু	...	২৭
ভজহরি	...	৫
ভ্রমণী	...	৯৫
মাকাল	...	৬৬

মাধো	...	৫২
যোগীনদা	...	২১
রিক্ত	...	৭৬
শনির দশা	...	৭৩
সুধিয়া	...	৫৩


অচলবুড়ি, মুখখানি তার হাসির রসে ভরা	৪২
অন্ধকারের সিন্ধুতীরে একলাটি ঐ মেয়ে	২৭
আতার বিচি নিজে পুঁতে পাব তাহার ফল	৬৩
আধবুড়ো ঐ মানুষটি মোর নয় চেনা	৭৩
আমার নৌকো বাঁধা ছিল পদ্মানদীর পারে	৪০
এই জগতের শক্ত মনিব নয় না একটু ক্রটি	৮৫
এই শহরে এই তো প্রথম আসা	৭৮
এক কালে এই অজয়নদী ছিল যখন জেগে	৮২
একলা হোথায় বসে আছে, কেই বা জানে ওকে	১৫
কাশীর গল্প শুনেছিলুম যোগীনদাদার কাছে	৩২
কিশোর-গাঁয়ের পুঁবের পাড়ায় বাড়ি	৮
গয়লা ছিল শিউনন্দন, বিখ্যাত তার নাম	৫৩
গৌরবর্ণ নধর দেহ, নাম শ্রীযুক্ত রাখাল	৬৬
ছবি আঁকার মানুষ ওগো পথিক চিরকালে	৮৬
ছোটো কাঠের সিঁড়ি আমার ছিল ছেলেবেলায়	১১
দেখ রে চেয়ে, নামল বুঝি ঝড়	১৩
নৌকো বেঁধে কোথায় গেল, যা ভাই, মাঝি ডাকতে	১
প্রাণ-ধারণের বোঝাখানা বাঁধা পিঠের 'পরে	৪৫
ফল ধরেছে বটের ডালে ডালে	২২
বইছে নদী বালির মধ্যে, শূন্য বিজ্ঞান মাঠ	৭৬
বয়স তখন ছিল কাঁচা ; হালকা দেহখানা	৪৩
বিদেশ-মুখে মন যে আমার কোন্ বাউলের চেলা	৩৭
বেড়ার মধ্যে একটি আমের গাছে	৭১
মাটির ছেলে হয়ে জন্ম, শহর নিল মোরে	২৫
মাঠের শেষে গ্রাম	২৭
যখন দিনের শেষে	২১
যোগীনদাদার জন্ম ছিল ডেরান্মাইলথায়	২১

রায়বাহাদুর কিষণলালের আকরা জগন্নাথ	৫২
শিশুকালের থেকে	৮১
দক্ষ্যা হয়ে আসে	১২
নাগরতীরে পাথরপিণ্ড চুঁ মারতে চায় কাকে	৬৯
হঙ্‌কঙেতে সারাবছর আপিস করেন মামা	৫

ছড়ার ছবি

জনযাত্রা

নোকো বেঁধে কোথায় গেল, যা ভাই, মাঝি ডাকতে—
মহেশগঞ্জ যেতে হবে শীতের বেলা থাকতে ।
পাশের গাঁয়ে ব্যাবসা করে ভাগ্নে আমার বলাই,
তার আড়তে আসব বেচে ক্ষেতের নতুন কলাই ।
সেখান থেকে বাছড়ঘাটা আন্দাজ তিন-পোয়া,
যত্নঘোষের দোকান থেকে নেব খইয়ের মোয়া ।
পেরিয়ে যাব চন্দনীদ' মুন্সিপাড়া দিয়ে—
মালসি যাব, পুঁটকি সেথায় থাকে মায়ে ঝিয়ে ।
ওদের ঘরে সেরে নেব ছপুর-বেলার খাওয়া—
তার পরেতে মেলে যদি পালের যোগ্য হাওয়া
এক পহরে চলে যাব মুখলুচরের ঘাটে,
যেতে যেতে সন্ধে হবে খড়কেডাঙার হাটে ।
সেথায় থাকে নওয়াপাড়ায় পিসি আমার আপন—
তার বাড়িতে উঠব গিয়ে, করব রাত্রিযাপন ।



তিন পহরে শেয়ালগুলো উঠবে যখন ডেকে
 ছাড়ব শয়ন বাউয়ের মাথায় শুকতারাটি দেখে ।
 লাগবে আলোর পরশমণি পুব আকাশের দিকে,
 একটু ক'রে আঁধার হবে ফিকে ।
 বাঁশের বনে একটি-দুটি কাক
 দেবে প্রথম ডাক ।

সদর পথের ঐ পারেতে গোসাইবাড়ির ছাদ
 আড়াল করে নামিয়ে নেবে একাদশীর চাঁদ ।
 উসুখুসু করবে হাওয়া শিরীষ গাছের পাতায়,
 রাঙা রঙের ছোঁওয়া দেবে দেউল-চুড়োর মাথায় ।
 বোষ্টমি সে ঠুন্ঠুন্ বাজাবে মন্দিরা,
 সকাল-বেলার কাজ আছে তার নাম শুনিয়ে ফিরা ।

হেলেছলে পোষা হাঁসের দল

যেতে যেতে জলের পথে করবে কোলাহল ।

আমারও পথ হাঁসের যে পথ, জলের পথে যাত্রী
ভাসতে যাব ঘাটে ঘাটে ফুরোবে যেই রাত্রি ।
সাঁতার কাটব জোয়ার-জলে পৌঁছে উজিরপুরে,
শুকিয়ে নেব ভিজ়ে ধুতি বালিতে রোদুছরে ।

গিয়ে ভজনঘাটা

কিনব বেগুন পটোল মুলো, কিনব সজনেউঁটা ।

পৌঁছব আটবাঁকে—

সূর্য উঠবে মাঝগগনে, মহিষ নামবে পাঁকে ।
কোকিল-ডাকা বকুল-তলায় রাঁধব আপন হাতে,
কলার পাতায় মেখে নেব গাওয়া ঘি আর ভাতে ।
মাখনাগাঁয়ে পাল নামাবে, বাতাস যাবে থেমে—
বনঝাউ-ঝোপ রঙিয়ে দিয়ে সূর্য পড়বে নেমে ।
বাঁকাদিঘির ঘাটে যাব যখন সন্ধে হবে


গোষ্ঠে-ফেরা ধেনুর হাথারবে ।

ভেঙে-পড়া ডিঙির মতো হেলে-পড়া দিন

তারা-ভাসা আঁধার-তলায় কোথায় হবে লীন ।

জ্যৈষ্ঠ ১৩৪৪


আলমোড়া



ভজহরি

হঙকঙেতে সারাবছর আপিস করেন মামা—
সেখান থেকে এনেছিলেন চীনের দেশের শ্রামা,
দিয়েছিলেন মাকে,
ঢাকার নাচে যখন-তখন শিষ দিয়ে সে ডাকে ।
নিচিনপুরের বনের থেকে ঝুলির মধ্যে ক'রে
ভজহরি আনত ফড়িঙ ধরে ।

পাড়ায় পাড়ায় যত পাখি খাঁচায় খাঁচায় ঢাকা
আওয়াজ শুনেই উঠত নেচে, ঝাপট দিত পাখা ।
কাউকে ছাতু, কাউকে পোকা, কাউকে দিত ধান—
অস্ব্থ করলে হলুদজলে করিয়ে দিত স্নান ।
ভজু বলত, ‘পোকাকার দেশে আমিই হচ্ছি দত্তি,
আমার ভয়ে গঙ্গাফড়িঙ ঘুমোয় না একরত্তি ।
ঝোপে ঝোপে শাসন আমার কেবলই ধরপাকড়,
পাতায় পাতায় লুকিয়ে বেড়ায় যত পোকামাকড় ।’



একদিন সে ফাগুন মাসে মাকে এসে বলল,
'গোধূলিতে মেয়ের আমার বিয়ে হবে কল্যা।'
শুনে আমার লাগল ভারী মজা—

এই আমাদের ভজা

এরও আবার মেয়ে আছে, তারও হবে বিয়ে
রঙিন চলির ঘোমটা মাথায় দিয়ে।

সুধাই তাকে, 'বিয়ের দিনে খুব বুঝি ধুম হবে?'
ভজু বললে, 'খাঁচার রাজ্যে নইলে কি মান রবে!

কেউ বা ওরা দাঁড়ের পাখি, পিঁজরেতে কেউ থাকে—
নেমন্তন্ন চিঠিগুলো পাঠিয়ে দেব ডাকে ।
মোটা মোটা ফড়িঙ দেব, ছাতুর সঙ্গে দই—
ছোলা আনব ভিজিয়ে জলে, ছড়িয়ে দেব খই ।

এমনি হবে ধুম,


সাত পাড়াতে চক্ষে কারও রইবে না আর ঘুম ।
ময়নাগুলোর খুলবে গলা, খাইয়ে দেব লঙ্কা—
কাকাতুয়া চীৎকারে তার বাজিয়ে দেবে ডঙ্কা ।
পায়রা যত ফুলিয়ে গলা লাগাবে বক্বকম—
শালিকগুলোর চড়া মেজাজ, আওয়াজ নানারকম ।
আসবে কোকিল, চন্দনাদের শুভাগমন হবে—
মন্ত্র শুনতে পাবে না কেউ পাখির কলরবে ।

ডাকবে যখন টিয়ে

বরকর্তা রবেন বসে কানে আঙুল দিয়ে ।’

জ্যৈষ্ঠ ১৩৪৪

আলমোড়া



পিস্নি


কিশোর-গাঁয়ের পুবেৰ'পাড়ায় বাড়ি,
পিস্নি বুড়ি চলেছে গ্রাম ছাড়ি।

একদিন তার আদর ছিল, বয়স ছিল ষোলো—
 স্বামী মরতেই বাড়িতে বাস অসহ তার হল ।
 আর-কোনো ঠাই হয়তো পাবে আর-কোনো এক বাসা—
 মনের মধ্যে আঁকড়ে থাকে অসম্ভবের আশা ।
 অনেক গেছে ক্ষয় হয়ে তার, সবাই দিল ফাঁকি—
 অল্প কিছু রয়েছে তার বাকি ।
 তাই দিয়ে সে তুলল বেঁধে ছোট্ট বোঝাটাকে,
 জড়িয়ে কাঁথা আঁকড়ে নিল কাঁখে ।
 বাঁ হাতে এক বুলি আছে, বুলিয়ে নিয়ে চলে—
 মাঝে মাঝে হাঁপিয়ে উঠে বসে ধুলির তলে ।
 সুধাই যবে কোন্ দেশেতে যাবে,
 মুখে ক্ষণেক চায় সক্রমণ ভাবে—
 কয় সে দ্বিধায়, 'কী জানি ভাই, হয়তো আলমুডাঙা,
 হয়তো সানুকিভাঙা,
 কিংবা যাব পাটনা হয়ে কাশী ।'
 গ্রাম-সুবাদে কোনকালে সে ছিল যে কার মাসি,
 মণিলালের হয় দিদিমা, চুনিলালের মামি—
 বলতে বলতে হঠাৎ সে যায় থামি,
 স্মরণে কার নাম যে নাহি মেলে ।
 গভীর নিশাস ফেলে
 চুপটি ক'রে ভাবে,
 এমন করে আর কতদিন যাবে ।
 দূরদেশে তার আপন জনা, নিজেরই ঝঞ্জাটে
 তাদের বেলা কাটে ।
 তারা এখন আর কি মনে রাখে
 এতবড়ো অদরকারি তাকে ।

চোখে এখন কম দেখে সে, বাপসা যে তার মন—
ভগ্নশেষের সংসারে তার শুকনো ফুলের বন ।
স্টেশন-মুখে গেল চলে পিছনে গ্রাম ফেলে,
রাত থাকতে— পাছে দেখে পাড়ার মেয়ে ছেলে ।
দূরে গিয়ে, বাঁশবাগানের বিজন গলি বেয়ে
পথের ধারে বসে পড়ে— শূন্যে থাকে চেয়ে ।

৩ জ্যৈষ্ঠ ১৩৪৪

আলমোড়া




কাঠের সিঙ্গি

ছোটো কাঠের সিঙ্গি আমার ছিল ছেলেবেলায়,
সেটা নিয়ে গর্ব ছিল বীরপুরুষি খেলায়।

গলায় বাঁধা রাজা ফিতের দড়ি,
 চিনেমাটির ব্যাঙ বেড়াত পিঠের উপর চড়ি ।
 ব্যাঙটা যখন পড়ে যেত ধম্কে দিতেম ক'ষে,
 কাঠের সিঙ্গি ভয়ে পড়ত বসে ।
 গাঁ গাঁ করে উঠছে বুঝি যেমনি হত মনে,
 'চুপ করো' যেই ধম্কানো আর চম্কাত সেইখনে ।
 আমার রাজ্যে আর যা থাকুক সিংহভয়ের কোনো
 সম্ভাবনা ছিল না কখ্খোনো ।
 মাংস ব'লে মাটির ঢেলা দিতেম ভাঁড়ের 'পরে,
 আপত্তি ও করত না তার তরে ।
 বুঝিয়ে দিতেম, গোপাল যেমন সুবোধ সবার চেয়ে
 তেমনি সুবোধ হওয়া তো চাই যা দেব তাই খেয়ে ।
 ইতিহাসে এমন শাসন করে নি কেউ পাঠ,
 দিবানিশি কাঠের সিঙ্গি ভয়েই ছিল কাঠ ।
 খুদি কইত মিছিমিছি, 'ভয় করছে দাদা !'
 আমি বলতেম, 'আমি আছি, থামাও তোমার কাঁদা—
 যদি তোমায় খেয়েই ফেলে এমনি দেব মার
 ছু চক্ষে ও দেখবে অন্ধকার ।'
 মেজ্দিদি আর ছোড়্দিদিদের খেলা পুতুল নিয়ে,
 কথায় কথায় দিচ্ছে তাদের বিয়ে ।
 নেমন্তন্ন করত যখন যেতুম বটে খেতে,
 কিন্তু তাদের খেলার পানে চাই নি কটাক্ষেতে ।
 পুরুষ আমি, সিঙ্গিমামা নত পায়ের কাছে,
 এমন খেলার সাহস বেলো ক'জন মেয়ের আছে ?

জ্যৈষ্ঠ ১৩৪৪

আলমোডা



বাড়

দেখ্ রে চেয়ে নামল বুঝি বাড়,
ঘাটের পথে বাঁশের শাখা ঐ করে ধড়্‌ফড়্ ।
আকাশতলে বজ্রপাণির ডঙ্কা উঠল বাজি,
শীঘ্র তরী বেয়ে চল্ রে মাঝি ।

চেউয়ের গায়ে চেউগুলো সব গড়ায় ফুলে ফুলে,
পুবের চরে কাশের মাথা উঠছে ছলে ছলে ।
ঈশান কোণে উড়তি বালি আকাশখানা ছেয়ে
হু হু করে আসছে ছুটে ধেয়ে ।

কাকগুলো তার আগে আগে উড়ছে প্রাণের ডরে,
হার মেনে শেষ আছাড় খেয়ে পড়ে মাটির 'পরে ।
হাওয়ার বিষম ধাক্কা তাদের লাগছে ক্রণে ক্রণে—
উঠছে পড়ছে, পাখার ঝাপট দিতেছে প্রাণপণে ।
বিজুলি ধায় দাঁত মেলে তার ডাকিনীটার মতো,
দিক্‌দিগন্ত চমকে ওঠে হঠাৎ মর্গাহত ।

ঐ রে, মাঝি, ক্ষেপল গাঙের জল,
লগি দিয়ে ঠেকা নৌকো, চরের কোলে চল্ ।
সেই যেখানে জলের শাখা, চখাচখীর বাস,
হেথা-হোথায় পলিমাটি দিয়েছে আশ্বাস
কাঁচা সবুজ নতুন ঘাসে ঘেরা—
তলের চরে বালুতে রোদ পোহায় কচ্ছপেরা ।
হোথায় জেলে বাঁশ টাঙিয়ে গুকোতে দেয় জাল,
ডিঙির ছাতে বসে বসে শেলাই করে পাল ।

রাত কাটা'ব ঐখানেতেই করব রাঁধাবাড়া,
এখনি আজ নেই তো যাবার তাড়া ।
ভোর থাকতে কাক ডাকতেই নৌকো দেব ছাড়ি,
ইটেখোলার মেলায় দেব সকাল-সকাল পাড়ি ।

১২।৬।৩৭

আলমোড়া

খাটুলি

একলা হোথায় বসে আছে, কেই বা জানে ওকে—

আপন-ভোলা সহজ তৃপ্তি রয়েছে ওর চোখে ।

খাটুলিটা বাইরে এনে আঙিনাটার কোণে

টানছে তামাক বসে আপন-মনে ।

মাথার উপর বটের ছায়া, পিছন দিকে নদী

বইছে নিরবধি ।

আয়োজনের বালাই নেইকো ঘরে,

আমের কাঠের নড়নড়ে এক তক্তপোষের 'পরে

মাঝখানেতে আছে কেবল পাতা

বিধবা তার মেয়ের হাতের শেলাই-করা কাঁথা ।

নাংনি গেছে, রাখে তারি পোষা ময়নাটাকে—

তেমনি কচি গলায় ওকে 'দাঙ্গ' ব'লেই ডাকে ।

ছেলের গাঁথা ঘরের দেয়াল, চিহ্ন আছে তারি

রঙিন মাটি দিয়ে আঁকা সিপাই সারি সারি ।

সেই ছেলেটাই তালুকদারের সর্দারি পকে পেয়ে

জেলখানাতে মরছে পচে দাঙ্গা করতে যেয়ে ।

ছুঃখ অনেক পেয়েছে ও, হয়তো ডুবছে দেনায়,


হয়তো ক্ষতি হয়ে গেছে তিসির বেচা-কেনায় ।

বাইরে দারিদ্র্যের

কাটা-ছেঁড়ার আঁচড় লাগে ঢের,

তবুও তার ভিতর-মনে দাগ পড়ে না বেশি,

প্রাণটা যেমন কঠিন তেমনি কঠিন মাংসপেশী ।




হয়তো গোরু বেচতে হবে মেয়ের বিয়ের দায়ে,
 মাসে ছুবার ম্যালেরিয়া কাঁপন লাগায় গায়ে,
 ডাগর ছেলে চাকরি করতে গঙ্গাপারের দেশে
 হয়তো হঠাৎ মারা গেছে ঐ বছরের শেষে—
 শুকনো করুণ চক্ষু ছুটো তুলে উপর-পানে
 কার খেলা এই দুঃখসুখের, কী ভাবলে সেই জানে ।
 বিচ্ছেদ নেই খাটুনিতে, শোকের পায় না ফাঁক—
 ভাবতে পারে স্পষ্ট করে নেইকো এমন বাক ।
 জমিদারের কাছারিতে নালিশ করতে এসে
 কী বলবে যে কেমন করে পায় না ভেবে শেষে ।

খাটুলিতে এসে বসে যখনি পায় ছুটি,
 ভাবনাগুলো ধোঁওয়ান মেলায়, ধোঁওয়ান ওঠে ফুটি ।
 ওর যে আছে খোলা আকাশ, ওর যে মাথার কাছে
 শিশ দিয়ে যায় বুলবুলিরা আলোছায়ার নাচে,
 নদীর ধারে মেঠো পথে টাট্টু চলে ছুটে,
 চক্ষু ভোলায় ক্ষেতের ফসল রঙের হরির-লুটে—
 জন্মমরণ ব্যেপে আছে এরা প্রাণের ধন
 অতি সহজ বলেই তাহা জানে না ওর মন ।

জ্যৈষ্ঠ ১৩৪৪

আলমোড়া



ঘরের খেয়া

সন্ধ্যা হয়ে আসে ;

সোনা-মিশোল ধূসর আলো ঘিরল চারি পাশে ।

নৌকোখানা বাঁধা আমার মধ্যখানের গাঙে—
অস্তরবির কাছে নয়ন কী যেন ধন মাঙে ।
আপন গাঁয়ে কুটীর আমার দূরের পটে লেখা,
ঝাপসা আভায় যাচ্ছে দেখা বেগনি রঙের রেখা ।

যাব কোথায় কিনারা তার নাই,
পশ্চিমেতে মেঘের গায়ে একটু আভাস পাই ।
হাঁসের দলে উড়ে চলে হিমালয়ের পানে,
পাখা তাদের চিহ্নবিহীন পথের খবর জানে ।
শ্রাবণ গেল, ভাদ্র গেল, শেষ হল জল-ঢালা,
আকাশতলে শুরু হল শুভ্র আলোর পালা ।
ক্ষেতের পরে ক্ষেত একাকার প্লাবনে রয় ডুবে—
লাগল জলের দোলযাত্রা পশ্চিমে আর পূবে ।
আসন্ন এই আঁধার-মুখে নৌকোখানি বেয়ে

যায় কারা ঐ, শুধাই 'ওগো নেয়ে,

চলেছ কোন্‌খানে ?'

যেতে যেতে জবাব দিল, 'যাব গাঁয়ের পানে ।'
অচিন-শূন্যে-ওড়া পাখি চেনে আপন নীড়,
জানে বিজন-মধ্যে কোথায় আপন জনের ভিড় ।

অসীম আকাশ মিলেছে ওর বাসার সীমানাতে,
ঐ অজানা জড়িয়ে আছে জানাশোনার সাথে ।
তেমনি ওরা ঘরের পথিক ঘরের দিকে চলে
যেথায় ওদের তুলসি-তলায় সন্ধ্যাপ্রদীপ জ্বলে ।

দাঁড়ের শব্দ ক্ষীণ হয়ে যায় ধীরে,
মিলায় সুদূর নীরে ।
সেদিন দিনের অবসানে সজল মেঘের ছায়ে
আমার চলার ঠিকানা নাই, ওরা চলল গাঁয়ে ।

২৮।৫।৩৭

আলমোড়া

যোগীনদা

যোগীনদাদার জন্ম ছিল ডেরাস্বাইলখাঁয়ে ।
পশ্চিমেতে অনেক শহর অনেক গাঁয়ে গাঁয়ে
বেড়িয়েছিলেন মিলিটারি জরিপ করার কাজে,
শেষ বয়সে স্থিতি হল শিশুদলের মাঝে ।
'জুলুম তোদের সহিব না আর' হাঁক চালাতেন রোজই,
পরের দিনেই আবার চলত ঐ ছেলেদের খোঁজই ।
দরবারে তাঁর কোনো ছেলের ফাঁক পড়বার জো কী—
ডেকে বলতেন, 'কোথায় টুই, কোথায় গেল খোঁকি ?'
'ওরে ভজু, ওরে বাঁদর, ওরে লক্ষ্মীছাড়া'
হাঁক দিয়ে তাঁর ভারী গলায় মাতিয়ে দিতেন পাড়া ।
চার দিকে তাঁর ছোটো বড়ো জুটত যত লোভী—
কেউ বা পেত মার্বেল কেউ গণেশমার্কী ছবি,
কেউ বা লজঞ্জুস,
সেটা ছিল মজলিসে তাঁর হাজরি দেবার ঘুম ।
কাজলি যদি অকারণে করত অভিমান
হেসে বলতেন 'হাঁ করো তো', দিতেন ছাঁচি পান ।
আপন-সৃষ্ট নাংনিও তাঁর ছিল অনেকগুলি—
পাগলি ছিল, পটলি ছিল, আর ছিল জঙ্গুলি ।
কেয়া-খয়ের এনে দিত, দিত কাশুন্দিও—
মায়ের হাতের জারকলেবু যোগীনদাদার প্রিয় ।

তখনো তাঁর শক্ত ছিল মুগুর-ভাজা দেহ,
 বয়স যে ষাট পেরিয়ে গেছে বুঝত না তা কেহ ।
 ঠোঁটের কোণে মুচকি হাসি, চোখতুটি জ্বল্জ্বলে—
 মুখ যেন তাঁর পাকা আমটি, হয় নি সে থল্থলে ।
 চণ্ডা কপাল, সামনে মাথায় বিরল চুলের টাক,
 গৌফ-জোড়টার খ্যাতি ছিল, তাই নিয়ে তাঁর জাঁক ।

দিন ফুরোত, কুন্সুজিতে প্রদীপ দিত জ্বালি,
 বেলের মালা হেঁকে যেত মোড়ের মাথায় মালী ।
 চেয়ে রইতেম মুখের দিকে শান্তশিষ্ট হয়ে,
 কাঁসর-ঘণ্টা উঠত বেজে গলির শিবালয়ে ।
 সেই সকালের সন্ধ্যা মোদের সন্ধ্যা ছিল সত্যি,
 দিন-ভ্যাঙানো ইলেকট্রিকের হয় নিকো উৎপত্তি ।
 ঘরের কোণে কোণে ছায়া, আঁধার বাড়ত ক্রমে—
 মিটমিটে এক তেলের আলোয় গল্প উঠত জমে ।
 শুরু হলে থামতে তাঁরে দিতেম না তো ক্ষণেক,
 সত্যি মিথ্যে যা-খুশি তাই বানিয়ে যেতেন অনেক ।
 ভূগোল হত উল্টো-পাল্টা, কাহিনী আজগুবি—
 মজা লাগত খুবই ।

গল্পটুকু দিচ্ছি, কিন্তু দেবার শক্তি নাই তো
 বলার ভাবে যে রঙটুকু মন আমাদের ছাইত ।

হুশিয়ারপুর পেরিয়ে গেল ছন্দোঁসির গাড়ি,
 দেড়টা রাতে সব্হরোয়ায় দিল স্টেশন ছাড়ি ।

ভোর থাকতেই হয়ে গেল পার
 বুলন্দশর আল্লোরিসর্সার ।
 পেরিয়ে যখন ফিরোজাবাদ এল
 যোগীনদাদার বিষম খিদে পেল ।
 ঠোঙায়-ভরা পকৌড়ি আর চলছে মটরভাজা,
 এমন সময় হাজির এসে জৌনপুরের রাজা ।
 পাঁচশো-সাতশো লোকলঙ্কর, বিশ-পঁচিশটা হাতি—
 মাথার উপর ঝালর-দেওয়া প্রকাণ্ড এক ছাতি ।
 মন্ত্রী এসেই দাদার মাথায় চড়িয়ে দিল তাজ—
 বললে, 'যুবরাজ,
 আর কতদিন রইবে, প্রভু, মোতিমহল ত্যেজে ?'
 বলতে বলতে রামশিঙা আর ঝাঁঝর উঠল বেজে ।

ব্যাপারখানা এই—
 রাজপুত্র তেরো বছর রাজভবনে নেই ।
 সচ ক'রে বিয়ে,
 নাথদোয়ারার সেগুনবনে শিকার করতে গিয়ে
 তার পরে যে কোথায় গেল, খুঁজে না পায় লোক ।
 কেঁদে কেঁদে অন্ধ হল রানীমায়ের চোখ ।
 খোঁজ পড়ে যায় যেমনি কিছু শোনে কানাঘুষায়—
 খোঁজে পিণ্ডিদাদনখাঁয়ে, খোঁজে লালামুসায় ।
 খুঁজে খুঁজে লুধিয়ানায় ঘুরেছে পঞ্জাবে—
 গুলজারপুর হয় নি দেখা, শুনছি পরে যাবে ।
 চঙ্গামঙ্গা দেখে এল সরাই আলমগিরে,
 রাওলপিণ্ডি থেকে এল হতাশ হয়ে ফিরে ।

ইতিমধ্যে যোগীনদাদা হাত্ৰাশ জংশনে
গেছেন লেগে চায়ের সঙ্গে পাঁউরুটি-দংশনে ।

দিব্বি চলছে খাওয়া,
তারি সঙ্গে খোলা গায়ে লাগছে মিঠে হাওয়া—
এমন সময় সেলাম করলে জৌনপুরের চর ;
জোড় হাতে কয়, ‘রাজাসাহেব, কঁহা আপ্কা ঘর ?’
দাদা ভাবলেন, সম্মানটা নিতান্ত জম্কালা,
আসল পরিচয়টা তবে না দেওয়াই তো ভালো ।
ভাবখানা তাঁর দেখে চরের ঘনালো সন্দেহ,
এ মানুষটি রাজপুত্রই, নয় কতু আর-কেহ ।
রাজলক্ষণ এতগুলো একখানা এই গায়,
ওরে বাস্ রে, দেখে নি সে আর কোনো জায়গায় ।

তার পরে মাস পাঁচেক গেছে ছুঃখে সুখে কেটে,
হারাধনের খবর গেল জৌনপুরের স্টেটে ।
ইস্টেশনে নির্ভাবনায় বসে আছেন দাদা,
কেমন করে কী যে হল লাগল বিষম ধাঁধা ।
গুর্খা ফোউজ সেলাম করে দাঁড়ালো চার দিকে,
ইস্টেশনটা ভরে গেল আফগানে আর শিখে ।
ঘিরে তাঁকে নিয়ে গেল কোথায় ইটাসিতে,
দেয় কারা সব জয়ধ্বনি উরুছতে ফার্সিতে ।
সেখান থেকে মৈনপুরী, শেষে লছ্‌মন-ঝোলায়
বাজিয়ে সানাই চড়িয়ে দিল ময়ূরপংখি দোলায় ।
দশটা কাহার কাঁধে নিল, আর পঁচিশটা কাহার
সঙ্গে চলল তাঁহার ।



ভাটিগাতে দাঁড় করিয়ে জোরালো দূরবীনে
দখিনমুখে ভালো করে দেখে নিলেন চিনে
বিন্ধ্যাচলের পর্বত ।

সেইখানেতে খাইয়ে দিল কাঁচা আমের শর্বৎ ।
সেখান থেকে এক পহরে গেলেন জৌনপুরে
পড়ন্ত রোদছুরে ।

এইখানেতেই শেষে

যোগীনদাদা থেমে গেলেন যৌবরাজ্যে এসে ।
হেসে বললেন, ‘কী আর বলব দাদা,
মাঝের থেকে মটর-ভাজা খাওয়ায় পড়ল বাধা ।’
‘ও হবে না’ ‘ও হবে না’ বিষম কলরবে
ছেলেরা সব টেঁচিয়ে উঠল, ‘শেষ করতেই হবে ।’

যোগীনদা কয়, ‘যাক গে,
বেঁচে আছি শেষ হয় নি ভাগ্যে ।
তিনটে দিন না যেতে যেতেই হলেম গলদঘর্ম ।
রাজপুত্র হওয়া কি, ভাই, যে-সে লোকের কর্ম ?
মোটা মোটা পরোটা আর তিন-পোয়াটাক ঘি
বাংলাদেশের-হাওয়ায়-মানুষ সহিতে পারে কি ?
নাগরা জুতায় পা ছিঁড়ে যায়, পাগড়ি মুটের বোঝা—

এগুলি কি সহ্য করা সোজা ?
তা ছাড়া এই রাজপুত্রের হিন্দি শুনে কেই
হিন্দি বলেই করলে না সন্দেহ ।
যেদিন দূরে শহরেতে চলছিল রামলীলা
পাহারাটা ছিল সেদিন ঢিলা ।

সেই স্মরণে গোড়বাসী তখনি এক দৌড়ে
ফিরে এল গোড়ে ।

চলে গেল সেই রাত্রেই টাকা—
মাঝের থেকে চর পেয়ে যায় দশটি হাজার টাকা ।
কিন্তু, গুজব শুনেতে পেলেম শেষে
কানে মোচড় খেয়ে টাকা ফেরত দিয়েছে সে ।’

‘কেন তুমি ফিরে এলে’ চাঁচাই চারি পাশে,
যোগীনদাদা একটু কেবল হাসে ।
তার পরে তো শুতে গেলেম, আধেক রাত্রি ধরে
শহরগুলোর নাম যত সব মাথার মধ্যে ঘোরে ।
ভারতভূমির সব ঠিকানাই ভুলি যদি দৈবে,
যোগীনদাদার ভূগোল-গোলা গল্প মনে রইবে ।

জ্যৈষ্ঠ ১৩৪৪

আলমোড়া



বুধু

মাঠের শেষে গ্রাম,


সাতপুরিয়া নাম ।

চাষের তেমন স্মৃবিধা নেই রূপণ মাটির গুণে,
 পঁয়ত্রিশ ঘর তাঁতির বসত— ব্যাবসা জাজিম বনে ।
 নদীর ধারে খুঁড়ে খুঁড়ে পলির মাটি খুঁজে
 গৃহস্থেরা ফসল করে কাঁকুড়ে তরমুজে ।
 ঐখানেতে বালির ডাঙা, মাঠ করছে ধু ধু,
 টিবি'র 'পরে বসে আছে গাঁয়ের মোড়ল বুধু ।
 সামনে মাঠে ছাগল চরছে ক'টা—
 শুকনো জমি, নেইকো ঘাসের ঘটা ।

কী যে ওরা পাচ্ছে খেতে ওরাই সেটা জানে,
 ছাগল ব'লেই বেঁচে আছে প্রাণে ।
 আকাশে আজ হিমের আভাস, ফ্যাকাশে তার নীল,
 অনেক দূরে যাচ্ছে উড়ে চিল ।
 হেমন্তের এই রোদুহরটা লাগছে অতি মিঠে,
 ছোটো নাতি মোগলুটা তার জড়িয়ে আছে পিঠে ।
 স্পর্শপুলক লাগছে দেহে, মনে লাগছে ভয়—
 বেঁচে থাকলে হয় ।
 গুটি তিনটি ম'রে শেষে ঐটি সাধের নাতি,
 রাত্রিদিনের সাথি !
 গোরুর গাড়ির ব্যাবসা বৃধুর চলছে হেসে-খেলেই,
 নাড়ী ছেঁড়ে এক পয়সা খরচ করতে গেলেই ।
 কৃপণ ব'লে গ্রামে গ্রামে বৃধুর নিন্দে রটে,
 সকালে কেউ নাম করে না উপোস পাছে ঘটে ।
 ওর যে কৃপণতা সে তো টেলে দেবার তরে,
 যত কিছু জমাচ্ছে সব মোগলু নাতির 'পরে ।
 পয়সাটা তার বৃকের রক্ত, কারণটা তার ঐ—
 এক পয়সা আর কারো নয় ঐ ছেলেটার বৈ ।
 না খেয়ে, না প'রে, নিজের শোষণ ক'রে প্রাণ
 যেটুকু রয় সেইটুকু ওর প্রতি দিনের দান ।
 দেবতা পাছে ঈর্ষাভরে নেয় কেড়ে মোগলুকে,
 আঁকড়ে রাখে বৃকে ।
 এখনো তাই নাম দেয় নি, ডাক নামেতেই ডাকে—
 নাম ভাঁড়িয়ে ফাঁকি দেবে নিষ্ঠুর দেবতাকে ।

জ্যৈষ্ঠ ১৩৪৪

আলমোড়া



চড়িভাতি

ফল ধরেছে বটের ডালে ডালে ;
 অফুরন্ত আতিথে তার সকালে বৈকালে
 বনভোজনে পাখিরা সব আসছে ঝাঁকে ঝাঁক—
 মাঠের ধারে আমার ছিল চড়িভাতির ডাক ।
 যে যার আপন ভাঁড়ার থেকে যা পেল যেইখানে
 মাল-মসলা নানারকম জুটিয়ে সবাই আনে ।
 জাত-বেজাতের চালে ডালে মিশোল ক'রে শেষে
 ডুমুরগাছের তলাটাতে মিলল সবাই এসে ।

বারে বারে ঘটি ভ'রে জল তুলে কেউ আনে,
কেউ চলেছে কাঠের খোঁজে আম-বাগানের পানে ।
হাঁসের ডিমের সন্ধানে কেউ গেল গাঁয়ের মাঝে,
তিন কণা লেগে গেল রান্না-করার কাজে ।
গাঁঠ-পাকানো শিকড়েতে মাথাটা তার খুয়ে
কেউ পড়ে যায় গল্পের বই জামের তলায় শুয়ে ।

সকল-কর্ম-ভোলা

দিনটা যেন ছুটির নৌকা বাঁধন-রশি-খোলা
চলে যাচ্ছে আপনি ভেসে সে কোন্ আঘাটায়
যথেষ্ট ভাঁটায় ।

মানুষ যখন পাকা ক'রে প্রাচীর তোলে নাই,
মাঠে বনে শৈলগুহায় যখন তাহার ঠাঁই,
সেইদিনকার আল্গা-বিধির-বাইরে-ঘোরা প্রাণ
মাঝে মাঝে রক্তে আজও লাগায় মন্ত্রগান ।
সেইদিনকার যথেষ্ট-রস আশ্বাদনের খোঁজে
মিলেছিলেম অবেলাতে অনিয়মের ভোজে ।
কারো কোনো স্বহৃদাবীর নেই যেখানে চিহ্ন,
যেখানে এই ধরাতলের সহজদাক্ষিণ্য,
হালকা সাদা মেঘের নীচে পুরানো সেই ঘাসে,
একটা দিনের পরিচিত আম-বাগানের পাশে,
মাঠের ধারে, অনভ্যাসের সেবার কাজে খেটে
কেমন ক'রে কয়টা প্রহর কোথায় গেল কেটে ।

সমস্ত দিন ডাকল ঘুঘু ছুটি,

আশে পাশে এঁটোর লোভে কাক এল সব জুটি,
গাঁয়ের থেকে কুকুর এল, লড়াই গেল বেধে—
একটা তাদের পালালো তার পরাভবের খেদে ।

০
রৌদ্র পড়ে এল ক্রমে, ছায়া পড়ল বেঁকে,
ক্লান্ত গোরু গাড়ি টেনে চলেছে হাট থেকে ।

আবার ধীরে ধীরে


নিয়ম-বাঁধা যে-যার ঘরে চলে গেলেম ফিরে ।

একটা দিনের মুছল স্মৃতি, ঘুচল চড়িভাতি,

পোড়াকাঠের ছাই পড়ে রয়— নামে আঁধার রাতি ।

আষাঢ় ১৩৪৪

আলমোড়া



কাশী

কাশীর গল্প শুনেছিলুম যোগীনদাদার কাছে,
পষ্ট মনে আছে ।

আমরা তখন ছিলাম না কেউ, বয়েস তাঁহার সবে
বছর-আষ্টেক হবে ।

সঙ্গে ছিলেন খুড়ি,

মোরব্বা বানাবার কাজে ছিল না তাঁর জুড়ি !

দাদা বলেন, আগলকি বেল পেঁপে সে তো আছেই,

এমন কোনো ফল ছিল না এমন কোনো গাছেই

তাঁর হাতে রস জমলে লোকের গোল না ঠেকত— এটাই
ফল হবে কি মেঠাই ।

রসিয়ে নিয়ে চালতা যদি মুখে দিতেন গুঁজি
মনে হত বড়োরকম রসগোল্লাই বুঝি ।
কাঁঠাল-বিচির মোরক্বা যা বানিয়ে দিতেন তিনি
পিঠে ব'লে পৌষমাসে সবাই নিত কিনি ।
দাদা বলেন, 'মোরক্বাটা হয়তো মিছেমিছিই,
কিন্তু মুখে দিতে যদি বলতে কাঁঠাল-বিচিই ।'
মোরক্বাতে ব্যাবসা গেল জ'মে,
বেশ কিঞ্চিৎ টাকা জমল ক্রমে ।

একদিন এক চোর এসেছে তখন অনেক রাত,
জানলা দিয়ে সাবধানে সে বাড়িয়ে দিল হাত ।
খুড়ি তখন চাটিনি করতে তেল নিচ্ছেন মেপে,
ধড়াস করে চোরের হাতে জানলা দিলেন চেপে ।
চোর বললে 'উছ উছ' ; খুড়ি বললেন, 'আহা,
বাঁ হাত মাত্র, এইখানেতেই থেকে যাক-না তাহা ।'
কেঁদে-কেটে কোনোমতে চোর তো পেল খালাস ;
খুড়ি বললেন, 'মরবি, যদি এ ব্যাবসা তোর চালাস ।'

দাদা বললেন, 'চোর পালালো, এখন গল্প থামাই ?
ছ'দিন হয় নি স্কোর করা, এবার গিয়ে কামাই ।'
আমরা টেনে বসাই ; বলি, 'গল্প কেন ছাড়বে ?'
দাদা বলেন, 'রবার নাকি, টানলেই কি বাড়বে ?—
কে ফেরাতে পারে তোদের আবদারের এই জোর,
তার চেয়ে যে অনেক সহজ ফেরানো সেই চোর ।



আচ্ছা তবে শোন— সে মাসে গ্রহণ লাগল চাঁদে,
শহর যেন ঘিরল নিবিড় মানুষ-বোনা ফাঁদে ।
খুড়ি গেছেন স্নান করতে বাড়ির দ্বারের পাশে,
আমার তখন পূর্ণগ্রহণ ভিড়ের রাহুগ্রাসে ।
প্রাণটা যখন কণ্ঠাগত, মরছি যখন ডরে,
গুণ্ডা এসে তুলে নিল হঠাৎ কাঁধের 'পরে ।
তখন মনে হল এ তো বিষ্ণুদূতের দয়া,
আর-একটুকু দেরি হলেই প্রাপ্ত হতেম গয়া ।
বিষ্ণুদূতটা ধরল যখন যমদূতের মূর্তি
এক নিমেষেই একেবারেই ঘুচল আমার ফুর্তি ।

সাত গলি সে পেরিয়ে শেষে একটা এঁধোঘরে
 বসিয়ে আমায় রেখে দিল খড়ের আঁঠির 'পরে ।
 চোন্দ আনা পয়সা আছে পকেট দেখি ঝেড়ে,
 কেঁদে কইলাম, 'ও পাঁড়েজি, এই নিয়ে দাও ছেড়ে ।'
 গুণ্ডা বলে, 'ওটা নেব, ওটা ভালো দ্রব্যই,
 আরো নেব চারটি হাজার নয়শো নিরেনব্বই—
 তার উপরে আর ছু আনা । খুড়িটা তো মরবে,
 টাকার বোঝা বয়ে সে কি বৈতরণী তরবে ?
 দেয় যদি তো দিক চুকিয়ে, নইলে—' পাকিয়ে চোখ
 যে ভঙ্গিটা দেখিয়ে দিলে সেটা মারাত্মক ।

এমন সময়, ভাগ্যি ভালো, গুণ্ডাজির এক ভাগ্নি—
 মূর্তিটা তার রণচণ্ডী, যেন সে রায়বাঘনি—
 আমার মরণদশার মধ্যে হলেন সমাগত
 দাবানলের উর্ধ্ব যেন কালো মেঘের মতো ।
 রাত্তিরে কাল ঘরে আমার উঁকি মারল বুঝি,
 যেমনি দেখা অমনি আমি রইলু চক্ষু বুজি ।


পরের দিনে পাশের ঘরে, কী গলা তার বাপ,
 মামার সঙ্গে ঠাণ্ডা ভাষায় নয় সে বাক্যালাপ ।
 বলছে, 'তোমার মরণ হয় না, কাহার বাছনি ও,
 পাপের বোঝা বাড়িয়ে না আর, ঘরে ফেরৎ দিয়ো—
 আহা, এমন সোনার টুকরো—' । শুনে আগুন মামা ;
 বিস্ত্রী রকম গাল দিয়ে কয়, 'মিহি সুরটা থামা ।'
 এঁকেই বলে মিহি সুর কি, আমি ভাবছি শুনে ।
 দিন তো গেল কোনোমতে কড়ি বর্গা গুনে ।

রাত্রি হবে ছপুর, ভাগ্নি ঢুকল ঘরে ধীরে ;
চুপিচুপি বললে কানে, 'যেতে কি চাস ফিরে ?'
লাফিয়ে উঠে কেঁদে বললেম, 'যাব যাব যাব ।'
ভাগ্নি বললে, 'আমার সঙ্গে সিঁড়ি বেয়ে নাবো—
কোথায় তোমার খুড়ির বাসা অগস্ত্যকুণ্ডে কি,
যে ক'রে হোক আজকে রাতেই খুঁজে একবার দেখি—
কালকে মামার হাতে আমার হবেই মুণ্ডপাত ।'
আমি তো, ভাই, বেঁচে গেলেম ; ফুরিয়ে গেল রাত ।'

হেসে বললেম যোগীনদাদার গম্ভীর মুখ দেখে,
ঠিক এমনি গল্প বাবা শুনিয়েছে বই থেকে ।
দাদা বললেন, 'বিধি যদি চুরি করেন নিজে
পরের গল্প, জানি নে ভাই, আমি করব কী যে ।'

১০।৬।৩৭

আলমোড়া



প্রবাসে

বিদেশমুখে মন যে আমার কোন্ বাউলের চেলা,
গ্রাম-ছাড়ানো পথের বাতাস সর্বদা দেয় ঠেলা।

তাই তো সেদিন ছুটির দিনে টাইম-টেবিল প'ড়ে
প্রাণটা উঠল নড়ে ।

বাক্সো নিলেম ভর্তি করে, নিলেম ঝুলি থ'লে—
বাংলাদেশের বাইরে গেলেম গঙ্গাপারে চ'লে ।
লোকের মুখে গল্প শুনে গোলাপ-খেতের টানে
মনটা গেল এক দৌড়ে গাজিপুরের পানে ।
সামনে চেয়ে চেয়ে দেখি গম-জোয়ারির খেতে
নবীন অঙ্কুরেতে

বাতাস কখন হঠাৎ এসে সোহাগ করে যায়
হাত ঝুলিয়ে কাঁচা শ্রামল কোমল কচি গায় ।
আটচালা ঘর, ডাহিন দিকে সবজি-বাগানখানা
শুশ্রূষা পায় সারা দুপুর জোড়া-বলদ-টানা
আঁকাবাঁকা কল্কলানি করুণ জলের ধারায়—
চাকার শব্দে অলস প্রহর ঘূমের ভারে ভারায় ।

ইদারাটার কাছে

বেগনি ফলে তুঁতের শাখা রঙিন হয়ে আছে ।
অনেক দূরে জলের রেখা চরের কূলে কূলে,
ছবির মতো নৌকো চলে পাল-তোলা মাস্তুলে ।
সাদা ধুলো হাওয়ায় ওড়ে, পথের কিনারায়
গ্রামটি দেখা যায় ।

খোলার চালের কুটীরগুলি লাগাও গায়ে গায়ে
মাটির প্রাচীর দিয়ে ঘেরা আম-কাঁঠালের ছায়ে
গোরুর গাড়ি পড়ে আছে মহানিমের তলে,
ডোবার মধ্যে পাতা-পচা পাঁক-জমানো জলে
গম্ভীর ঔদাস্যে অলস আছে মহিষগুলি
এ ওর পিঠে আরামে ঘাড় তুলি ।

বিকেল-বেলায় একটুখানি কাজের অবকাশে

খোলা দ্বারের পাশে

দাঁড়িয়ে আছে পাড়ার তরুণ মেয়ে

আপন-মনে অকারণে বাহির-পানে চেয়ে ।
অশথতলায় বসে তাকাই ধেলুচারণ মাঠে,
আকাশে মন পেতে দিয়ে সমস্ত দিন কাটে ।
মনে হ'ত চতুর্দিকে হিন্দি ভাষায় গাঁথা
একটা যেন সজীব পুঁথি, উল্টিয়ে যাই পাতা—
কিছু বা তার ছবি-আঁকা কিছু বা তার লেখা,
কিছু বা তার আগেই যেন ছিল কখন শেখা ।
ছন্দে তাহার রস পেয়েছি, আউড়িয়ে যায় মন—
সকল কথার অর্থ বোঝার নাইকো প্রয়োজন ।

আষাঢ় ১৩৪৪

আলমোড়া

পদ্মায়

আমার নৌকো বাঁধা ছিল পদ্মানদীর পারে,
হাঁসের পাঁতি উড়ে যেত মেঘের ধারে ধারে—
জানি নে মন-কেমন-করা লাগত কী সুর হাওয়ার
আকাশ বেয়ে দূর দেশেতে উদাস হয়ে যাওয়ার ।
কী জানি সেই দিনগুলি সব কোন্ আঁকিয়ার লেখা,
ঝিকিঝিকি সোনার রঙে হালকা তুলির রেখা ।
বালির 'পরে বয়ে যেত স্বচ্ছ নদীর জল,
তেমনি বহিত তীরে তীরে গাঁয়ের কোলাহল—
ঘাটের কাছে, মাঠের ধারে, আলো-ছায়ার স্রোতে ।
অলস দিনের উড়্‌নিখানার পরশ আকাশ হতে
বুলিয়ে যেত মায়ার মন্ত্র আমার দেহে মনে ।

তারই মধ্যে আসত ক্ষণে ক্ষণে

দূর কোকিলের সুর,

মধুর হত আশ্বিনে রোদুহর ।

পাশ দিয়ে সব নৌকো বড়ো বড়ো

পরদেশিয়া নানা ক্ষেতের ফসল ক'রে জড়ো

পশ্চিমে হাট বাজার হতে, জানি নে তার নাম,


পেরিয়ে আসত ধীর গমনে গ্রামের পরে গ্রাম

ঝপ্‌ঝপিয়ে দাঁড়ে ।

খোরাক কিনতে নামত দাঁড়ি ছায়ানিবিড় পাড়ে ।

যখন হত দিনের অবসান

গ্রামের ঘাটে বাজিয়ে মাদল গাইত হোলির গান ।




...
...
...
...

ক্রমে রাত্রি নিবিড় হয়ে নৌকো ফেলত ঢেকে,
 একটি কেবল দীপের আলো জ্বলত ভিতর থেকে ।
 শিকলে আর শ্রোতে মিলে চলত টানের শব্দ,
 স্বপ্নে যেন ব'কে উঠত রজনী নিস্তব্ধ ।
 পুবে হাওয়ার এল ঋতু, আকাশ-জোড়া মেঘ—
 ঘরমুখো ঐ নৌকোগুলোয় লাগল অধীর বেগ ।
 ইলিশ মাছ আর পাকা কাঁঠাল জমল পারের হাটে,
 কেনাবেচার ভিড় লাগল নৌকো-বাঁধা ঘাটে ।
 ডিঙি বেয়ে পার্টের আঁঠি আনছে ভারে ভারে,
 মহাজনের দাঁড়িপাল্লা উঠল নদীর ধারে ।
 হাতে পয়সা এল, চাষি ভাবনা নাহি মানে—
 কিনে নতুন ছাতা জুতো চলেছে ঘর-পানে ।
 পরদেশিয়া নৌকোগুলোর এল ফেরার দিন,
 নিল ভরে খালি-করা কেরোসিনের টিন—
 একটা পালের 'পরে ছোটো আরেকটা পাল তুলে
 চলার বিপুল গর্বে তরীর বুক উঠেছে ফুলে ।
 মেঘ ডাকছে গুরু গুরু, থেমেছে দাঁড় বাওয়া—
 ছুটছে ঘোলা জলের ধারা, বইছে বাদল হাওয়া ।

৬।৬।৩৭

আলমোড়া

५८७७५




বালক

বয়স তখন ছিল কাঁচা ; হালকা দেহখানা
ছিল পাখির মতো, শুধু ছিল না তার ডানা ।
উড়ত পাশের ছাদের থেকে পায়রাগুলোর ঝাঁক,
বারান্দাটার রেলিঙ-পরে ডাকত এসে কাক ।
ফেরিওয়ালা হেঁকে যেত গলির ওপার থেকে,
তপসিমাছের বুড়ি নিত গামছা দিয়ে ঢেকে ।
বেহালাটা হেলিয়ে কাঁধে ছাদের 'পরে দাদা,
সন্ধ্যাতারার সুরে যেন সুর হত তাঁর সাধা ।
জুটেছি বৌদিদির কাছে ইংরেজি পাঠ ছেড়ে,
মুখখানিতে-ঘের-দেওয়া তাঁর শাড়িটি লালপেড়ে ।
চুরি ক'রে চাবির গোছা লুকিয়ে ফুলের টবে
স্নেহের রাগে রাগিয়ে দিতেম নানান উপদ্রবে ।
কঙ্কালী চাটুজ্জ হঠাৎ জুটত সন্ধ্যা হলে—
বাঁ হাতে তার খেলো হুকো, চাদর কাঁধে ঝোলে ।
দ্রুত লয়ে আউড়ে যেত লবকুশের ছড়া ,
থাকত আমার খাতা লেখা, পড়ে থাকত পড়া—
মনে মনে ইচ্ছে হত যদিই কোনো ছলে
ভর্তি হওয়া সহজ হত এই পাঁচালির দলে
ভাবনা মাথায় চাপত নাকো ক্লাসে ওঠার দায়ে,
গান শুনিতে চলে যেতুম নতুন নতুন গাঁয়ে ।
স্কুলের ছুটি হয়ে গেলে বাড়ির কাছে এসে
হঠাৎ দেখি, মেঘ নেমেছে ছাদের কাছে ঘেঁষে ।
আকাশ ভেঙে বৃষ্টি নামে, রাস্তা ভাসে জলে,
ঐরাবতের শুঁড় দেখা দেয় জল-ঢালা সব নলে ।

অন্ধকারে শোনা যেত রিম্ঝিমিনি ধারা,
রাজপুত্র তেপান্তরে কোথা সে পথহারা ।
ম্যাপে যে-সব পাহাড় জানি, জানি যে-সব গাঙ
কুয়েন্লুন আর মিসিসিপি ইয়াংসিকিয়াঙ,
জানার সঙ্গে আধেক জানা, দূরের থেকে শোনা,
নানা রঙের নানা স্মৃত্যেয় সব দিয়ে জাল-বোনা,
নানারকম ধনির সঙ্গে নানান চলাফেরা,
সব দিয়ে এক হালকা জগৎ মন দিয়ে মোর ঘেরা—
ভাবনাগুলো তারই মধ্যে ফিরত থাকি থাকি
বানের জলে শাওলা যেমন মেঘের তলে পাখি ।

আষাঢ় ১৩৪৪

শান্তিনিকেতন



দেশান্তরী

প্রাণ-ধারণের বোঝাখানা বাঁধা পিঠের 'পরে—
আকাল পড়ল, দিন চলে না, চলল দেশান্তরে ।

দূর শহরে একটা কিছু যাবেই যাবে জুটে,
 এই আশাতেই লগ্ন দেখে ভোরবেলাতে উঠে
 দুর্গা ব'লে বুক বেঁধে সে চলল ভাগ্যজয়ে—
 মা ডাকে না পিছুর ডাকে অমঙ্গলের ভয়ে ।
 স্ত্রী দাঁড়িয়ে দুয়ার ধরে ছুচোখ শুধু মোছে,
 আজ সকালে জীবনটা তার কিছুতেই না রোচে
 ছেলে গেছে জাম কুড়োতে দিঘির পাড়ে উঠি,
 মা তারে আজ ভুলে আছে তাই পেয়েছে ছুটি ।
 স্ত্রী বলেছে বারে বারে যে ক'রে হোক খেটে
 সংসারটা চালাবে সে, দিন যাবে তার কেটে ।
 ঘর ছাইতে খড়ের আঁঠির জোগান দেবে সে যে,
 গোবর দিয়ে নিকিয়ে দেবে দেয়াল পাঁচিল মেঝে ।
 মাঠের থেকে খড়কে কাঠি আনবে বেছে বেছে,
 ঝাঁটা বেঁধে কুমোরটুলির হাতে আসবে বেচে ।
 টেকিতে ধান ভেনে দেবে বামুনদিদির ঘরে,
 খুদকুঁড়ো যা জুটবে তাতেই চলবে দুর্বছরে ।
 দূর দেশেতে বসে বসে মিথ্যা অকারণে
 কোনোমতেই ভাবনা যেন না রয় স্বামীর মনে ।
 সময় হল, ঐ তো এল খেয়াঘাটের মাঝি,
 দিন না যেতে রহিমগঞ্জে যেতেই হবে আজি ।
 সেইখানেতে চৌকিদারি করে ওদের জ্ঞাতি,
 মহেশখুড়োর মেঝো জামাই, নিতাই দাসের নাতি ।
 নতুন নতুন গাঁ পেরিয়ে অজানা এই পথে
 পৌঁছবে পাঁচ দিনের পরে শহর কোনোমতে ।
 সেইখানে কোন্ হালসিবাগান, ওদের গ্রামের কালো
 শর্যেতেলের দোকান সেথায় চালাচ্ছে খুব ভালো ।

গেলে সেথায় কালুর খবর সবাই বলে দেবে—
তার পরে সব সহজ হবে, কী হবে আর ভেবে ।
স্ত্রী বললে, 'কানুদাকে খবরটা এই দিয়ো,
ওদের গাঁয়ের বাদল পালের জাঠতুত ভাই প্রিয়
বিয়ে করতে আসবে আমার ভাইঝি মল্লিকাকে
উনত্রিশে বৈশাখে ।'

আষাঢ় ১৩৪৪

শান্তিনিকেতন



অচলা বুড়ি

অচলবুড়ি, মুখখানি তার হাসির রসে ভরা,
স্নেহের রসে পরিপক্ব অতিমধুর জরা ।
ফুলো ফুলো ছুই চোখে তার ছুই গালে আর ঠোঁটে
উছলে-পড়া হৃদয় যেন ঢেউ খেলিয়ে ওঠে ।
পরিপুষ্ট অঙ্গটি তার, হাতের গড়ন মোটা,
কপালে ছুই ভুরুর মাঝে উল্কি-আঁকা ফোঁটা ।
গাড়ি-চাপা কুকুর একটা মরতেছিল পথে,
সেবা ক'রে বাঁচিয়ে তারে তুলল কোনোমতে ।
খোড়া কুকুর সেই ছিল তার নিত্যসহচর ;
আধপাগলি ঝি ছিল এক, বাড়ি বালেশ্বর ।
দাদাঠাকুর বলত, 'বুড়ি, জমল কত টাকা,
সঙ্গে ওটা যাবে না তো, বাঞ্জে রইল ঢাকা—
ব্রাহ্মণে দান করতে না চাও নাহয় দাও-না ধার ।
জানোই তো এই অসময়ে টাকার কী দরকার ।'
বুড়ি হেসে বলে, 'ঠাকুর, দরকার তো আছেই,
সেইজন্তে ধার না দিয়ে রাখি টাকা কাছেই ।'

সাঁওরাপাড়ার কায়েতবাড়ির বিধবা এক মেয়ে,
এক কালে সে সুখে ছিল বাপের আদর পেয়ে ।
বাপ মরেছে, স্বামী গেছে, ভাইরা না দেয় ঠাই—
দিন চালাবে এমনতরো উপায় কিছু নাই ।
শেষকালে সে ক্ষুধার দায়ে, দৈন্যদশার লাজে,
চলে গেল হাঁসপাতালে রোগীসেবার কাজে ।



এর পিছনে বুড়ি ছিল আর ছিল লোক তার
কংসারি শীল বেনের ছেলে মুকুন্দ মোক্তার ।

গ্রামের লোকে ছি-ছি করে, জাতে ঠেলল তাকে—
একলা কেবল অচল বুড়ি আদর করে ডাকে।
সে বলে, 'তুই বেশ করেছিস যা বলুক-না যেবা,
ভিক্ষা মাগার চেয়ে ভালো ছুঃখী দেহের সেবা।'

জমিদারের মায়ের শ্রদ্ধ, বেগার খাটার ডাক—
রাই ডোম্নির ছেলে বললে, কাজের যে নেই ফাঁক,
পারবে না আজ যেতে। শুনে কোতলপুরের রাজা
বললে, ওকে যে ক'রে হোক দিতেই হবে সাজা।
মিশনরির স্কুলে প'ড়ে, কম্পোজিটরের
কাজ শিখে সে শহরেতে আয় করেছে ঢের—
তাই হবে কি ছোটোলোকের ঘাড়-বাঁকানো চাল!
সান্ধ্য দিল হরিশ মৈত্র, দিল মাখনলাল—
ডাক-নুঠের এক মোকদ্দমায় মিথ্যে জড়িয়ে ফেলে
গোষ্ঠকে তো চালান দিল সাত বছরের জেলে।
ছেলের নামের অপমানে আপন পাড়া ছাড়ি
ডোম্নি গেল ভিন গাঁয়েতে পাততে নতুন বাড়ি।
প্রতি মাসে অচলবুড়ি দামোদরের পারে
মাস-কাবারের জিনিস নিয়ে দেখে আসত তারে।
যখন তাকে খোঁটা দিল গ্রামের শম্ভু পিসে
'রাই ডোম্নির' পরে তোমার এত দরদ কিসে'
বুড়ি বললে, 'যারা ওকে দিল ছুঃখরাশি
তাদের পাপের বোঝা আমি হালকা করে আসি।'

পাতানো এক নাৎনি বুড়ির একজরি জ্বরে
ভুগতেছিল স্বরূপগঞ্জে আপন শ্বশুরঘরে।

মেয়েটাকে বাঁচিয়ে তুলল দিন রাত্রি জেগে,
 ফিরে এসে আপনি পড়ল রোগের ধাক্কা লেগে ।
 দিন ফুরলো, দেবতা শেষে ডেকে নিল তাকে—
 এক আঘাতে মারল যেন সকল পল্লীটাকে ।
 অবাক হল দাদাঠাকুর, অবাক স্বরূপকাকা—
 ডোম্নিকে সব দিয়ে গেছে বুড়ির জমা টাকা ।
 জিনিসপত্র আর যা ছিল দিল পাগল ঝিকে,
 মঁপে দিল তারই হাতে খোঁড়া কুকুরটিকে ।
 ঠাকুর বললে মাথা নেড়ে, ‘অপাত্রে এই দান !
 পরলোকের হারালো পথ, ইহলোকের মান ।’


[১ আঘাত] ১৩৪৪

শান্তিনিকেতন

সুধিয়া

গয়লা ছিল শিউনন্দন, বিখ্যাত তার নাম,
গোয়ালবাড়ি ছিল যেন একটা গোটা গ্রাম ।
গোরু-চরার প্রকাণ্ড ক্ষেত, নদীর ওপার চরে,
কলাই শুধু ছিটিয়ে দিত পলি-জমির 'পরে ।
জেগে উঠত চারা তারই, গজিয়ে উঠত ঘাস,
ধেনুদলের ভোজ চলত মাসের পরে মাস ।
মাঠটা জুড়ে বাঁধা হত বিশ-পঞ্চাশ চালা,
জমত রাখাল ছেলেগুলোর মহোৎসবের পালা ।
গোপাষ্টমীর পর্বদিনে প্রচুর হত দান,
গুরুঠাকুর গা ডুবিয়ে ত্রুধে করত স্নান ।
তার থেকে সর স্কীর নবনী তৈরি হত কত,
প্রসাদ পেত গাঁয়ে গাঁয়ে গয়লা ছিল যত ।

বছর তিনেক অনাবৃষ্টি, এল মঘসুর ;
শ্রাবণ মাসে শোণনদীতে বান এল তার পর ।
ঘুলিয়ে ঘুলিয়ে পাকিয়ে পাকিয়ে গর্জি ছুটল ধারা,
ধরণী চায় শূন্য-পানে সীমার চিহ্নহারা ।
ভেসে চলল গোরু বাছুর, টান লাগল গাছে ।
মানুষে আর সাপে মিলে শাখা আঁকড়ে আছে ।
বন্যা যখন নেমে গেল, বৃষ্টি গেল থামি—
আকাশ জুড়ে দৈত্য-দেবের ঘুচল সে পাগলামি ।
শিউনন্দন দাঁড়ালো তার শূন্য ভিটেয় এসে—
তিনটে শিশুর ঠিকানা নেই, স্ত্রী গেছে তার ভেসে ।




চূপ করে সে রইল বসে, বুদ্ধি পায় না খুঁজি ;
 মনে হল সব কথা তার হারিয়ে গেল বুঝি ।
 ছেলেটা তার ভীষণ জোয়ান, সামরু বলে তাকে ;
 এক-গলা এই জলে-ডোবা সকল পাড়াটাকে
 মথন করে ফিরে ফিরে তিনটে গোরু নিয়ে
 ঘরে এসে দেখলে, ছু হাত চোখে ঢাকা দিয়ে
 ইষ্টদেবকে স্মরণ ক'রে নড়ছে বাপের মুখ ;
 তাই দেখে ওর একেবারে জ্বলে উঠল বুক—
 বলে উঠল, 'দেবতাকে তোর কেন মরিস ডাকি ?
 তার দয়াটা বাঁচিয়ে যেটুকু আজও রইল বাকি
 ভার নেব তার নিজের 'পরেই, ঘটুক-নাকো যাই আর,
 এর বাড়ি তো সর্বনাশের সম্ভাবনা নাই আর ।'

এই বলে সে বাড়ি ছেড়ে পাঁকের পথে ঘুরে
 চিহ্ন-দেওয়া নিজের গোরু অনেক দূরে-দূরে
 গোটা পাঁচেক খোঁজ পেয়ে তার আনলে তাদের কেড়ে,
 মাথা ভাঙবে ভয় দেখাতেই সবাই দিল ছেড়ে ।
 ব্যাবসাটা ফের শুরু করল নেহাত গরিব চালে,
 আশা রইল উঠবে জেগে আবার কোনোকালে ।

এ দিকেতে প্রকাণ্ড এক দেনার অজগরে
 একে একে গ্রাস করছে যা আছে তার ঘরে ।
 একটু যদি এগোয় আবার পিছন দিকে ঠেলে,
 দেনা পাওনা দিনরাত্রি জোয়ার-ভাঁটা খেলে ।
 মাল তদন্ত করতে এল ছুনিয়াচাঁদ বেনে,
 দশ বছরের ছেলেটাকে সঙ্গে করে এনে ।
 ছেলেটা ওর জেদ ধরেছে— ঐ সুধিয়া গাই
 পুষবে ঘরে আপন ক'রে ঐটে নেহাত চাই ।
 সামরু বলে, 'তোমার ঘরে কী ধন আছে কত
 আমাদের এই সুধিয়াকে কিনে নেবার মতো ?
 ও যে আমার মানিক, আমার সাত রাজার ঐ ধন,
 আর যা আমার যায় সবই যাক, দুঃখিত নয় মন ।
 মৃত্যুপারের থেকে ও যে ফিরেছে মোর কাছে,
 এমন বন্ধু তিন ভুবনে আর কি আমার আছে !'

বাপের কানে কী বললে সেই ছুনিচাঁদের ছেলে,
 জেদ বেড়ে তার গেল বুঝি যেমনি বাধা পেলে ।
 শেঠজি বলে মাথা নেড়ে, 'দুই-চারি মাস যেতেই
 ঐ সুধিয়ার গতি হবে আমার গোয়ালেতেই ।'




কালোয় সাদায় মিশোল বরন, চিকন নধর দেহ,
সর্ব অঙ্গে ব্যাপ্ত যেন রাশীকৃত স্নেহ ।
আকাল এখন, সামরু নিজে ছুইবেলা আধ-পেটা ;
সুধিয়াকে খাওয়ানো চাই যখনি পায় যেটা ।
দিনের কাজের অবসানে গোয়ালঘরে ঢুকে
বঁকে যায় সে গাভীর কানে যা আসে তার মুখে ।
কারো 'পরে রাগ সে জানায়, কখনো সাবধানে
গোপন খবর থাকলে কিছু জানায় কানে কানে ।
সুধিয়া সব দাঁড়িয়ে শোনে কানটা খাড়া ক'রে,
বুঝি কেবল ধ্বনির সুখে মন ওঠে তার ভরে ।

সামরু যখন ছোটো ছিল পালোয়ানের পেশা
 ইচ্ছা করেছিল নিতে, ঐ ছিল তার নেশা ।
 খবর পেল, নবাববাড়ি কুস্তিগিরের দল
 পাল্লা দেবে— সামরু শুনে অসহ্য চঞ্চল ।
 বাপকে ব'লে গেল ছেলে, 'কথা দিচ্ছি শোনো,
 এক হপ্তার বেশি দেরি হবে না কখখনো !'
 ফিরে এসে দেখতে পেলে, সুধিয়া তার গাই
 শেঠ নিয়েছে ছলে-বলে, গোয়ালঘরে নাই ।
 যেমনি শোনা অমনি ছুটল, ভোজালি তার হাতে,
 ছুনিচাঁদের গদি যেথায় নাজির-মহল্লাতে ।
 'কী রে সামরু, ব্যাপারটা কী' শেঠজি শুধায় তাকে ।
 সামরু বলে 'ফিরিয়ে নিতে এলুম সুধিয়াকে ।'
 শেঠ বললে, 'পাগল নাকি, ফিরিয়ে দেব তোরে,
 পরশু ওকে নিয়ে এলুম ডিক্রিজারি করে ।
 'সুধিয়া রে' 'সুধিয়া রে' সামরু দিল হাঁক,
 পাড়ার আকাশ পেরিয়ে গেল বজ্রমন্দ্র ডাক ।
 চেনা সুরের হান্সা ধ্বনি কোথায় জেগে উঠে,
 দড়ি ছিঁড়ে সুধিয়া ঐ হঠাৎ এল ছুটে ।
 হু চোখ বেয়ে ঝরছে বারি, অঙ্গটি তার রোগা,
 অন্নপানে দেয় নি সে মুখ, অনশনে-ভোগা ।
 সামরু ধরল জড়িয়ে গলা, বললে, 'নাই রে ভয়,
 আমি থাকতে দেখব এখন কে তোরে আর লয় ।—
 তোমার টাকায় ছুনিয়া কেনা, শেঠ ছুনিচাঁদ, তবু
 এই সুধিয়া একলা নিজের, আর কারো নয় কতু ।
 আপন ইচ্ছামতে যদি তোমার ঘরে থাকে
 তবে আমি এই মুহূর্তে রেখে যাব তাকে ।'

চোখ পাকিয়ে কয় ছুনিচাঁদ, 'পশুর আবার ইচ্ছে !
গয়লা তুমি, তোমার কাছে কে উপদেশ নিচ্ছে !
গোল কর তো ডাকব পুলিশ ।' সামরু বললে, 'ডেকো ।
ফাঁসি আমি ভয় করি নে, এইটে মনে রেখো ।
দশ বছরের জেল খাটব, ফিরব তো তার পর,
সেই কথাটাই ভেবো বসে, আমি চললেম ঘর ।'

আষাঢ় ১৩৪৪

শান্তিনিকেতন



মাধো

রায়বাহাহুর কিষনলালের স্রাকরা জগন্নাথ,
সোনারূপোর সকল কাজে নিপুণ তাহার হাত ।
আপন বিত্তা শিখিয়ে মানুষ করবে ছেলেটাকে
এই আশাতে সময় পেলেই ধরে আনিত তাকে ;
বসিয়ে রাখত চোখের সামনে, জোগান দেবার কাজে
লাগিয়ে দিত যখন তখন ; আবার মাঝে মাঝে
ছোটো মেয়ের পুতুল-খেলার গয়না গড়াবার
ফর্গাশেতে খাটিয়ে নিত ; আগুন ধরাবার
সোনা গলাবার কর্মে একটুখানি ভুলে
চড়-চাপড়টা পড়ত পিঠে, টান লাগাত চুলে ।
স্বয়োগ পেলেই পালিয়ে বেড়ায় মাধো যে কোন্‌খানে
ঘরের লোকে খুঁজে ফেরে বুথাই সন্ধানে ।
শহরতলির বাইরে আছে দিঘি সাবেক-কেলে
সেইখানে সে জোটায় যত লক্ষ্মীছাড়া ছেলে ।
গুলিডাণ্ডা খেলা ছিল, দোলনা ছিল গাছে,
জানা ছিল যেথায় যত ফলের বাগান আছে ।
মাছ ধরবার ছিপ বানাত, সিন্দুডালের ছড়ি ;
টাট্টুঘোড়ার পিঠে চড়ে ছোটাত দড়বড়ি ।

কুকুরটা তার সঙ্গে থাকত, নাম ছিল তার বটু—
গিরিগিটি আর কাঠবেড়ালি তাড়িয়ে ফেরায় পটু ।
শালিখ পাখির মহলেতে মাধোর ছিল যশ,
ছাতুর গুলি ছড়িয়ে দিয়ে করত তাদের বশ ।
বেগার দেওয়ার কাজে পাড়ায় ছিল না তার মতো,
বাপের শিক্ষানবিশিতেই কুঁড়েমি তার যত ।

কিষনলালের ছেলে, তারে ছুলাল ব'লে ডাকে—
পাড়াশুদ্ধ ভয় করে এই বাঁদর ছেলেটাকে ।
বড়োলোকের ছেলে ব'লে গুমর ছিল মনে,
অত্যাচারে তারই প্রমাণ দিত সকল খনে ।
বটুর হবে সঁতারখেলা, বটু চলছে ঘাটে,
এসেছে যেই ছুলালচাঁদের গোলা খেলার মাঠে
অকারণে চাবুক নিয়ে ছুলাল এল তেড়ে ;
মাধো বললে, 'মারলে কুকুর ফেলব তোমায় পেড়ে ।'
উচিয়ে চাবুক ছুলাল এল, মানল নাকো মানা,
চাবুক কেড়ে নিয়ে মাধো করলে ছ-তিন-খানা ।
দাঁড়িয়ে রইল মাধো, রাগে কাঁপছে থরোথরো—
বললে, 'দেখব সাধ্য তোমার, কী করবে তা করো ।'
ছুলাল ছিল বিষম ভীতু, বেগ শুধু তার পায়ে—
নামের জোরেই জোর ছিল তার, জোর ছিল না গায়ে ।

দশ-বিশ-জন লোক লাগিয়ে বাপ আনলে ধরে,
মাধোকে এক খাটের খুরোয় বাঁধল কষে জোরে ।
বললে, 'জানিস নেকো, বেটা, কাহার অন্ন ধারিস !
এত বড়ো বুকের পাটা, মনিবকে তুই মারিস !

আজ বিকালে হাটের মধ্যে হিঁচড়ে নিয়ে তোকে
 ছুলাল স্বয়ং মারবে চাবুক, দেখবে সকল লোকে ।
 মনিববাড়ির পেয়াদা এল দিন হল যেই শেষ ।
 দেখলে দড়ি আছে পড়ি, মাধো নিরুদ্দেশ ।
 মাকে শুধায়, 'এ কী কাণ্ড ।' মা শুনে কয়, 'নিজে
 আপন হাতে বাঁধন তাহার আমিই খুলেছি যে ।
 মাধো চাইল চলে যেতে ; আমি বললেম, যেয়ো,
 এমন অপমানের চেয়ে মরণ ভালো সেও ।'
 স্বামীর 'পরে হানল দৃষ্টি দারুণ অবজ্ঞার ;
 বললে, 'তোমার গোলামিতে ধিক্ সহস্রবার ।''

পোরোলো বিশ-পঁচিশ বছর ; বাংলাদেশে গিয়ে
 আপন জাতের মেয়ে বেছে মাধো করল বিয়ে ।
 ছেলে মেয়ে চলল বেড়ে, হল সে সংসারী ;
 কোন্‌খানে এক পাটকলে সে করতেছে সর্দারি ।
 এমন সময় নরম যখন হল পাটের বাজার
 মাইনে ওদের কমিয়ে দিতেই, মজুর হাজার হাজার
 ধর্মঘটে বাঁধল কোমর ; সাহেব দিল ডাক—
 বললে, 'মাধো, ভয় নেই তোর, আলগোছে তুই থাক ।
 দলের সঙ্গে যোগ দিলে শেষ মরবি-যে মার খেয়ে ।'
 মাধো বললে, 'মরই ভালো এ বেইমানির চেয়ে ।'
 শেষ পালাতে পুলিশ নামল, চলল গুঁতোগাঁতা ;
 কারো পড়ল হাতে বেড়ি, কারো ভাঙল মাথা ।
 মাধো বললে, 'সাহেব, আমি বিদায় নিলেম কাজে,
 অপমানের অন্ন আমার সহ হবে না যে ।'




চলল সেথায় যে দেশ থেকে দেশ গেছে তার মুছে—
মা মরেছে, বাপ মরেছে, বাঁধন গেছে ঘুচে ।
পথে বাহির হল ওরা ভরসা বৃকে আঁটি—
হেঁড়া শিকড় পাবে কি আর পুরোনো তার মাটি ।

আতার বিচি

আতার বিচি নিজে পুঁতে পাব তাহার ফল
দেখব ব'লে ছিল মনে বিষম কৌতূহল ।

তখন আমার বয়স ছিল নয়,
অবাক লাগত কিছুর থেকে কেন কিছুই হয় ।
দোতলাতে পড়ার ঘরের বারান্দাটা বড়ো,
ধুলো বালি একটা কোণে করেছিলুম জড়ো ।
সেথায় বিচি পুঁতেছিলুম অনেক যত্ন করে,
'গাছ বুঝি আজ দেখা দেবে' ভেবেছি রোজ ভোরে ।
বারান্দাটার পূর্বধারে টেবিল ছিল পাতা,
সেইখানেতে পড়া চলত— পুঁথিপত্র খাতা
রোজ সকালে উঠত জমে ছুঁড়াবনার মতো ;
পড়া দিতেন, পড়া নিতেন মাস্টার মন্মথ ।
পড়তে পড়তে বারে বারে চোখ যেত ঐ দিকে ,
গোল হত সব বানানেতে, ভুল হত সব ঠিকে ।
অধৈর্য অসহ্য হত, খবর কে তার জানে
কেন আমার যাওয়া-আসা ঐ কোণটার পানে ।
ছু মাস গেল, মনে আছে, সেদিন শুক্রবার—



অঙ্কুরটি দেখা দিল নবীন সুকুমার ।
 অঙ্ক-কষার বারান্দাতে চুন-সুরকির কোণে
 অপূর্ব সে দেখা দিল, নাচ লাগালো মনে ।
 আমি তাকে নাম দিয়েছি আতা গাছের খুকু—
 ক্ষণে ক্ষণে দেখতে যেতেম, বাড়ল কতটুকু ।
 হুদিন বাদেই শুকিয়ে যেত সময় হলে তার,
 এ জায়গাতে স্থান নাহি ওর করত আবিষ্কার ।
 কিন্তু যেদিন মাস্টার ওর দিলেন মৃত্যুদণ্ড,
 কচিকচি পাতার কুঁড়ি হল খণ্ড খণ্ড,
 আমার পড়ার ক্রটির জন্তে দায়ী করলেন ওকে,
 বুক যেন মোর ফেটে গেল— অশ্রু ঝরল চোখে ।
 দাদা বললেন, কী পাগলামি, শান-বাঁধানো মেবে,
 হেথায় আতার বীজ লাগানো ঘোর বোকামি এ যে ।
 আমি ভাবলুম সারা দিনটা বুকের ব্যথা নিয়ে,
 বড়োদের এই জোর খাটানো অন্তায় নয় কি এ !
 মূর্খ আমি ছেলেমানুষ, সত্য কথাই সে তো—
 একটু সবুর করলেই তা আপনি ধরা যেত ।

শ্রাবণ ১৩৪৪

মাকাল

গৌরবর্ণ নধর দেহ, নাম শ্রীযুক্ত রাখাল,
জন্ম তাহার হয়েছিল, সেই যে-বছর আকাল ।

গুরুমশায় বলেন তারে,
'বুদ্ধি যে নেই একেবারে ;
দ্বিতীয়ভাগ করতে সারা ছ'মাস ধরে নাকাল ।'
রেগেমেগে বলেন, 'বাঁদর, নাম দিছু তোর মাকাল ।'

নামটা শুনে ভাবলে প্রথম বাঁকিয়ে যুগল ভুরু ;
তার পর সে বাড়ি এসে নৃত্য করলে শুরু ।
হঠাৎ ছেলের মাতন দেখি
সবাই তাকে শুধায়, এ কী !
সকলকে সে জানিয়ে দিল, নাম দিয়েছেন গুরু—
নতুন নামের উৎসাহে তার বক্ষ ছরুছরু ।

কোলের 'পরে বসিয়ে দাদা বললে কানে-কানে,
'গুরুমশায় গাল দিয়েছেন, বুঝিস নে তার মানে !'
রাখাল বলে, 'কখখোনো না,
মা যে আমায় বলেন সোনা,
সেটা তো গাল নয় সে কথা পাড়ার সবাই জানে ।
আচ্ছা, তোমায় দেখিয়ে দেব, চলো তো ঐখানে ।'



টেনে নিয়ে গেল তাকে পুকুর-পাড়ের কাছে,
বেড়ার 'পরে লতায় যেথা মাকাল ফ'লে আছে।

বললে, 'দাদা সত্যি বোলো,

সোনার চেয়ে মন্দ হল ?

তুমি শেষে বলতে কি চাও গাল ফলেছে গাছে ?

'মাকাল আমি' বলে রাখাল ছ হাত তুলে নাচে ।

দোয়াত কলম নিয়ে ছোট্টে, খেলতে নাহি চায় ;

লেখাপড়ায় মন দেখে মা অবাক হয়ে যায় ।

খাবার বেলায় অবশেষে

দেখে ছেলের কাণ্ড এসে—

মেবোর 'পরে বুঁকে প'ড়ে খাতার পাতাটায়

লাইন টেনে লিখছে শুধু— মাকালচন্দ্র রায় ।

৮ ডিসেম্বর ১৯২১

পাথরপিণ্ড

মাগরতীরে পাথর-পিণ্ড ঢুঁ মারতে চায় কাঙ্ক্ষি
বুঝি আকাশটাকে ।

শান্ত আকাশ দেয় না কোনো জবাব—
পাথরটা রয় উচিয়ে মাথা, এমনি সে তার স্বভাব ।

হাতের কাছেই আছে সমুদ্রটা
অহংকারে তারই সঙ্গে লাগত যদি ওটা
এমনি চাপড় খেত, তাহার ফলে

হুড় মুড়িয়ে ভেঙেচুরে পড়ত অগাধ জলে ।

ঢুঁ-মারা এই ভঙ্গীখানা কোটি বছর থেকে

বাক্য করে কপালে তার কে দিল ঐ এঁকে ।

পণ্ডিতেরা তার ইতিহাস বের করেছেন খুঁজি—

শুনি তাহা, কতক বুঝি, নাইবা কতক বুঝি ।

অনেক যুগের আগে

একটা সে কোন্ পাগলা বাষ্প আগুন-ভরা রাগে

মা ধরণীর বন্ধ হতে ছিনিয়ে বাঁধন-পাশ

জ্যোতিষ্কদের উর্ধ্বপাড়ায় করতে গেল বাস ।

বিদ্রোহী সেই ছুরাশা তার প্রবল শাসন-টানে


আছাড় খেয়ে পড়ল ধরার পানে ।

লাগল কাহার শাপ,

হারালো তার ছুটোছুটি, হারালো তার তাপ ।

দিনে দিনে কঠিন হয়ে ক্রমে


আড়ষ্ট এক পাথর হয়ে কখন গেল জমে ।



আজকে যে ওর অন্ধ নয়ন, কাতর হয়ে চায়
সম্মুখে কোন্ নিষ্ঠুর শূন্যতায় ।
সুস্তিত চীৎকার সে যেন, যন্ত্রণা নির্বাক,
যে যুগ গেছে তার উদ্দেশে কণ্ঠহারার ডাক ।
আগুন ছিল পাথায় যাহার আজ মাটি-পিঞ্জরে
কান পেতে সে আছে ঢেউয়ের তরল কলম্বরে ।
শোনার লাগি ব্যগ্র তাহার ব্যর্থ বধিরতা
হেরে-যাওয়া সে যৌবনের ভুলে-যাওয়া কথা ।

জ্যৈষ্ঠ ১৩৪৪

আলমোড়া



তালগাছ

বেড়ার মধ্যে একটি আমের গাছে
 গম্ভীরতায় আসর জমিয়ে আছে ।
 পরিতৃপ্ত মূর্তিটি তার তৃপ্ত চিকন পাতায়,
 ছপুরবেলায় একটুখানি হাওয়া লাগছে মাথায় ।
 মাটির সঙ্গে মুখোমুখি ঘাসের আঙিনাতে
 সঙ্গিনী তার শ্যামল ছায়া, আঁচলখানি পাতে ।
 গোরু চরে রৌজছায়ায় সারা প্রহর ধরে ;
 খাবার মতো ঘাস বেশি নেই, আরাম শুধুই চ'রে ।
 পেরিয়ে বেড়া ঐ যে তালের গাছ,
 নীল গগনে ক্ষণে ক্ষণে দিচ্ছে পাতার নাচ ।

আশেপাশে তাকায় না সে, দূরে-চাওয়ার ভঙ্গী,
এমনিতরো ভাবটা যেন নয় সে মাটির সঙ্গী ।
ছায়াতে না মেলায় ছায়া বসন্ত-উৎসবে,
বায়না না দেয় পাখির গানের বনের গীতরবে ।
তারার পানে তাকিয়ে কেবল কাটায় রাত্রিবেলা,
জোনাকিদের 'পরে যে তার গভীর অবহেলা ।
উলঙ্গ সুদীর্ঘ দেহে সামান্য সম্বলে
তার যেন ঠাঁই উর্ধ্ববাহু সন্ন্যাসীদের দলে ।

১৩/৬/৩৭

আলমোড়া



শনির দশা

আধবুড়ো ঐ মানুষটি মোর নয় চেনা—
একলা বসে ভাবছে কিংবা ভাবছে না,
মুখ দেখে ওর সেই কথাটাই ভাবছি,
মনে মনে আমি যে ওর মনের মধ্যে নাবছি।

বুঝিবা ওর মেঝোমেয়ে পাতা ছয়েক ব'কে
মাথার দিব্যি দিয়ে চিঠি পাঠিয়েছিল ওকে ।

উমারানীর বিষম স্নেহের শাসন,
জানিয়েছিল চতুর্থাতে খোকার অন্নপ্রাশন—
জিদ ধরেছে, হোক-না যেমন ক'রেই
আসতে হবে শুক্রবার কি শনিবারের ভোরেই ।

আবেদনের পত্র একটি লিখে
পাঠিয়েছিল বুড়ো তাদের কর্তাবাবুটিকে ।
বাবু বললে, 'হয় কখনো তা কি,
মাস-কাবারের বুড়িঝুড়ি হিসাব লেখা বাকি,
সাহেব শুনলে আগুন হবে চ'টে,
ছুটি নেবার সময় এ নয় মোটে ।'

মেয়ের ছুঃখ ভেবে

বুড়ো বারেক ভেবেছিল কাজে জবাব দেবে ।
সুবুদ্ধি তার কইল কানে রাগ গেল যেই থামি,
আসন্ন পেন্সনের আশা ছাড়াটা পাগলামি ।
নিজেকে সে বললে, 'ওরে, এবার না হয় কিনিস
ছোটোছেলের মনের মতো একটা-কোনো জিনিস ।
যেটার কথাই ভেবে দেখে দামের কথায় শেষে
বাধায় ঠেকে এসে ।

শেষকালে ওর পড়ল মনে জাপানি বুম্বুগি,
দেখলে খুশি হয়তো হবে উমি ।

কেইবা জানবে দামটা যে তার কত,
বাইরে থেকে ঠিক দেখাবে খাঁটি রূপোর মতো ।
এমনি করে সংশয়ে তার কেবলই মন ঠেলে,
হাঁ-না নিয়ে ভাবনাস্রোতে জোয়ার-ভাঁটা খেলে ।

রোজ সে দেখে টাইমটেবিলখানা,
ক'দিন থেকে ইস্টিশনে প্রত্যহ দেয় হানা ।
সামনে দিয়ে যায় আসে রোজ মেল,
গাড়িটা তার প্রত্যহ হয় ফেল ।
চিস্তিত ওর মুখের ভাবটা দেখে
এমনি একটা ছবি মনে নিয়েছিলেম এঁকে ।

কৌতূহলে শেষে
একটুখানি উস্খুসিয়ে একটুখানি কেশে
শুধাই তারে ব'সে তাহার কাছে,
'কী ভাবতেছেন, বাড়িতে কি মন্দ খবর আছে ?'
বললে বুড়ো, 'কিছুই নয়, মশায়,
আসল কথা— আছি শনির দশায় ।
তাই ভাবছি কী করা যায় এবার
ঘোড়দৌড়ে দশটি টাকা বাজি ফেলে দেবার ।
আপনি বলুন, কিনব টিকিট আজ কি ।'
আমি বললেম, 'কাজ কী ?'
রাগে বুড়োর গরম হল মাথা ;
বললে, 'খামো, চের দেখেছি পরামর্শদাতা !
কেনার সময় রইবে না আর আজিকার এই দিন বৈ !
কিনব আমি, কিনব আমি, যে ক'রে হোক কিনবই ।'

রিক্ত

বইছে নদী বালির মধ্যে, শূণ্য বিজন মাঠ,
নাই কোনো ঠাঁই ঘাট ।

অল্প জলের ধারাটি বয়, ছায়া দেয় না গাছে,
গ্রাম নেইকো কাছে !

রক্ষ হাওয়ায় ধরার বৃকে সূক্ষ্ম কাঁপন কাঁপে
চোখ-ধাঁধানো তাপে ।

কোথাও কোনো শব্দ-যে নেই তারই শব্দ বাজে
ঝাঁ-ঝাঁ ক'রে সারাছপুর দিনের বক্ষোমাঝে ।

আকাশ যাহার একলা অতিথ গুঞ্চ বালুর স্তূপে
দিগ্‌বধু রয় অবাক হয়ে বৈরাগিণীর রূপে ।



1930
June 2/5
June - 20
The first of the
year was very
hot and dry
and the first
rain was very
heavy.

দূরে দূরে কাশের ঝোপে শরতে ফুল ফোটে,
বৈশাখে ঝড় ওঠে ।

আকাশ ব্যেপে ভূতের মাতন বালুর ঘূর্ণি ঘোরে ;
নৌকো ছুটে আসে না তো সামাল সামাল করে ।
বর্ষা হলে বগা নামে দূরের পাহাড় হতে,

কূল-হারানো স্রোতে

জলে স্থলে হয় একাকার— দমকা হওয়ার বেগে
সওয়ার যেন চাবুক লাগায় দৌড়-দেওয়া মেঘে ।
সারা বেলাই বৃষ্টিধারা ঝাপট লাগায় যবে
মেঘের ডাকে সুর মেশে না ধেনুর হাস্যাবে ।
খেতের মধ্যে কল্কলিয়ে ঘোলা স্রোতের জল
ভাসিয়ে নিয়ে আসে না তো শ্যাওলা-পানার দল ।
রাত্রি যখন ধ্যানে বসে তারাগুলির মাঝে

তীরে তীরে প্রদীপ জ্বলে না যে—

সমস্ত নিঃস্বপ্ন

জাগাও নেই কোনোখানে, কোথাও নেই ঘুম ।

জ্যৈষ্ঠ ১৩৪৪

আলমোড়া


বাসাবাড়ি

এই শহরে এই তো প্রথম আসা ।
আড়াইটা রাত, খুঁজে বেড়াই কোন্ ঠিকানায় বাসা ।
লণ্ঠনটা বুলিয়ে হাতে আন্দাজে যাই চলি,
অজগরের ভূতের মতন গলির পরে গলি ।

ধাঁধাঁ ক্রমেই বেড়ে ওঠে, এক জায়গায় থেমে
দেখি পথে বাঁ দিক থেকে ঘাট গিয়েছে নেমে ।
আঁধার-মুখোষ-পরা বাড়ি সামনে আছে খাড়া ;
হাঁ-করা-মুখ ছয়ারণুলো, নাইকো শব্দসাড়া ।
চৌতলাতে একটা ধারে জানলাখানার ফাঁকে
প্রদীপশিখা ছুঁচের মতো বিঁধছে আঁধারটাকে ।

বাকি মহল যত

কালো মোটা ঘোমটা-দেওয়া দৈত্যনারীর মতো ।
বিদেশীর এই বাসাবাড়ি— কেউবা কয়েক মাস
এইখানে সংসার পেতেছে, করছে বসবাস ;
কাজকর্ম সান্ন করি কেউবা কয়েক দিনে
চুকিয়ে ভাড়া কোন্‌খানে যায়, কেই বা তাদের চিনে ।



সুধাই আমি, 'আছ কি কেউ, জায়গা কোথায় পাই ?'
মনে হল জবাব এল, 'আমরা নাই না ই।'
সকল ছয়োর জানলা হতে, যেন আকাশ জুড়ে
বাঁকে বাঁকে রাতের পাখি শূণ্ণে চলল উড়ে।
একসঙ্গে চলার বেগে হাজার পাখা তাই
অন্ধকারে জাগায় ধ্বনি, 'আমরা নাই না ই।'
আমি সুধাই, 'কিসের কাজে এসেছ এইখানে ?'
জবাব এল, 'সেই কথাটা কেহই নাহি জানে।
যুগে যুগে বাড়িয়ে চলি নৈই-হওয়াদের দল,
বিপুল হয়ে ওঠে যখন দিনের কোলাহল
সকল কথার উপরেতে চাপা দিয়ে যাই—
না ই, না ই, না ই।'

পরের দিনে সেই বাড়িতে গেলাম সকালবেলা—
ছেলেরা সব পথে করছে লড়াই-লড়াই খেলা,
কাঠি হাতে ছুই পক্ষের চলছে ঠকাঠকি ।
কোণের ঘরে ছুই বুড়োতে বিষম বকাবকি—
বাজিখেলায় দিনে দিনে কেবল জেতা হারা,
দেনা-পাওনা জমতে থাকে, হিসাব হয় না সারা ।
গন্ধ আসছে রান্নঘরের, শব্দ বাসন-মাজার ;
শূন্য বুড়ি ছলিয়ে হাতে ঝি চলেছে বাজার ।
একে একে এদের সবার মুখের দিকে চাই,
কানে আসে রাত্রিবেলার 'আমরা নাই না ই ।'

২।৩।৩৭

আলমোড়া

আকাশ

শিশুকালের থেকে

আকাশ আমার মুখে চেয়ে একলা গেছে ডেকে ।

দিন কাটত কোণের ঘরে দেয়াল দিয়ে ঘেরা
কাছের দিকে সর্বদা মুখ-ফেরা ;

তাই সুদূরের পিপাসাতে

অতৃপ্ত মন তপ্ত ছিল । লুকিয়ে যেতেম ছাতে,

চুরি করতেম আকাশ-ভরা সোনার-বরন ছুটি,

নীল অমৃতে ডুবিয়ে নিতেম ব্যাকুল চক্ষু ছুটি ।

ছপুর রৌদ্রে সুদূর শূণ্যে আর কোনো নেই পাখি,

কেবল একটি সঙ্গীবিহীন চিল উড়ে যায় ডাকি

নীল অদৃশ্যপানে ;

আকাশপ্রিয় পাখি ওকে আমার হৃদয় জানে ।

স্বপ্ন ডানা প্রখর আলোর বুকে


যেন সে কোন্ যোগীর ধ্যান মুক্তি-অভিমুখে ।

তীক্ষ্ণ তীব্র স্বর

স্বপ্ন হতে স্বপ্ন হয়ে দূরের হতে দূর

ভেদ করে যায় চলে ।

বৈরাগী ঐ পাখির ভাষা মন কাঁপিয়ে তোলে ।



আলোর সঙ্গে আকাশ যেথায় এক হয়ে যায় মিলে

শুভ্রে এবং নীলে

তীর্থ আমার জেনেছি সেইখানে

অতল নীরবতার মাঝে অবগাহন-স্নানে ।

আবার যখন ঝঙ্কা, যেন প্রকাণ্ড এক চিল

এক নিমেষে ছৌঁ মেরে নেয় সব আকাশের নীল,

দিকে দিকে ঝাপটে বেড়ায় স্পর্ধাবেগের ডানা,

মানতে কোথাও চায় না কারো মানা,

বারে বারে তড়িৎশিখার চঞ্চু-আঘাত হানে

অদৃশ্য কোন্ পিঞ্জরটার কালো নিষেধ-পানে,

আকাশে আর ঝড়ে


আমার মনে সব-হারানো ছুটির মূর্তি গড়ে ।

তাই তো খবর পাই—

শাস্তি সেও মুক্তি, আবার অশাস্তিও তাই ।

২১৬।৩৭

আলমোড়া



খেলা

এই জগতের শক্ত মনিব নয় না একটু ক্রটি,
যেমন নিত্য কাজের পালা তেমনি নিত্য ছুটি ।
বাতাসে তার ছেলেখেলা, আকাশে তার হাসি,
সাগর জুড়ে গদগদ ভাষ বুব্বুদে যায় ভাসি ।
ঝরনা ছোট্টে দূরের ডাকে পাথরগুলো ঠেলে—
কাজের সঙ্গে নাচের খেয়াল কোথার থেকে পেলে ।
ঐ হোথা শাল, পাঁচশো বছর মজ্জাতে ওর ঢাকা—
গস্তীরতায় অটল যেমন, চঞ্চলতায় পাকা ।
মজ্জাতে ওর কঠোর শক্তি, বকুনি ওর পাতায়—
ঝড়ের দিনে কী পাগলামি চাপে যে ওর মাথায় ।
ফুলের দিনে গন্ধের ভোজ অবাধ সারাক্ষণ,
ডালে ডালে দখিন হাওয়ার বাঁধা নিমন্ত্রণ ।

কাজ ক'রে মন অসাড় যখন মাথা যাচ্ছে ঘুরে
হিমালয়ের খেলা দেখতে এলেম অনেক দূরে ।
এসেই দেখি নিষেধ জাগে কুহেলিকার স্তূপে,
গিরিরাজের মুখ ঢাকা কোন্ সুগস্তীরের রূপে ।
রাত্তিরে যেই বৃষ্টি হল, দেখি সকালবেলায়
চাদরটা ওর কাজে লাগে চাদর-খোলার খেলায় ।
ঢাকার মধ্যে চাপা ছিল কোঁতুক একরাশি,
প্রকাণ্ড এক হাসি ।

জ্যৈষ্ঠ ১৩৪৪

আলমোড়া

ছবি-আঁকিয়ে

ছবি আঁকার মানুষ ওগো পথিক চিরকালে,

চলছ তুমি আশেপাশে দৃষ্টির জাল ফেলে ;

পথ-চলা সেই দেখাগুলো লাইন দিয়ে এঁকে

পাঠিয়ে দিলে দেশ-বিদেশের থেকে ।

যাহা-তাহা যেমন-তেমন আছে কতই কী যে,

তোমার চোখে ভেদ ঘটে নাই চণ্ডালে আর দ্বিজে ।

ঐ যে গরিবপাড়া,

আর-কিছু নেই ঘেঁষাঘেঁষি কয়টা কুটীর ছাড়া ।

তার ও পারে শুধু

চৈত্রমাসের মাঠ করছে ধু ধু ।

এদের পানে চক্ষু মেলে কেউ কভু কি দাঁড়ায় ?

ইচ্ছে ক'রে এ ঘরগুলোর ছায়া কি কেউ মাড়ায় ?

তুমি বললে, দেখার ওরা অযোগ্য নয় মোটে ;

সেই কথাটিই তুলির রেখায় তক্ষনি যায় রটে ।

হঠাৎ তখন ঝেঁকে উঠে আমরা বলি, তাই তো,

দেখার মতোই জিনিস বটে, সন্দেহ তার নাই তো ।

ঐযে কারা পথে চলে, কেউ করে বিশ্রাম,

নেই বললেই হয় ওরা সব, পোঁছে না কেউ নাম—

তোমার কলম বললে, ওরা খুব আছে এই জেনো ।


অমনি বলি, তাই বটে তো, সবাই চেনো-চেনো ।

ওরাই আছে, নেইকো কেবল বাদশা কিংবা নবাব ;

এই ধরণীর মাটির কোলে থাকাই ওদের স্বভাব ।

অনেক খরচ ক'রে রাজা আপন ছবি আঁকায়,

তার পানে কি রসিক লোকে কেউ কখনো তাকায় ?





সে-সব ছবি সাজে-সজ্জায় বোকার লাগায় ধাঁধাঁ,
আর এরা সব সত্যি মানুষ সহজ রূপেই বাঁধা।

ওগো চিত্রী, এবার তোমার কেমন খেয়াল এ যে,
এঁকে বসলে ছাগল একটা উচ্চশ্রবা ত্যেজে ।
জন্তুটা তো পায় না খাতির হঠাৎ চোখে ঠেকলে,
সবাই ওঠে হাঁ হাঁ ক'রে সবজি-ক্ষেতে দেখলে ।
আজ তুমি তার ছাগ্লামিটা ফোঁটালে যেই দেহে
এক মুহূর্তে চমক লেগে বলে উঠলেম, কে হে !
ওরে ছাগলওয়ালো, এটা তোরা ভাবিস কার—
আমি জানি একজনের এই প্রথম আবিষ্কার ।

জ্যৈষ্ঠ ১৩৪৪

আলমোড়া





অজয় নদী

এক কালে এই অজয়নদী ছিল যখন জেগে
শ্রোতের প্রবল বেগে
পাহাড় থেকে আনত সদাই ঢালি
আপন জোরের গর্ব করে চিকন-চিকন বালি।
অচল বোঝা বাড়িয়ে দিয়ে যখন ক্রমে ক্রমে
জোর গেল তার কমে,
নদীর আপন আসন বালি নিল হরণ করে,
নদী গেল পিছন-পানে সরে ;
অনুচরের মতো
রইল তখন আপন বালির নিত্য-অনুগত।

কেবল যখন বর্ষা নামে ঘোলা জলের পাকে
বালির প্রতাপ ঢাকে ।


পূর্বযুগের আক্ষেপে তার ক্লেভের মাতন আসে,
বাঁধন-হারা ঈর্ষা ছোটে সবার সর্বনাশে ।
আকাশেতে গুরুগুরু মেঘের ওঠে ডাক,
বুকের মধ্যে ঘুরে ওঠে হাজার ঘূর্ণিপাক ।
তার পরে আশ্বিনের দিনে শুভ্রতার উৎসবে
সুর আপনার পায় না খুঁজে শুভ্র আলোর স্তবে ।
দূরের তীরে কাশের দোলা, শিউলি ফুটে দূরে,
শুক বুকে শরৎ নামে বালিতে রোদুহরে ।
টাঁদের কিরণ পড়ে যেথায় একটু আছে জল
যেন বক্ষ্যা কোন্ বিধবার লুটানো অঞ্চল ।
নিঃস্ব দিনের লজ্জা সদাই বহন করতে হয়,
আপনাকে হায় হারিয়ে-ফেলা অকীর্তি অজয় ।

জ্যৈষ্ঠ ১৩৪৪

আলমোড়া

পিছু-ডাকা

যখন দিনের শেষে
চেয়ে দেখি সমুখপানে সূর্য ডোবার দেশে
মনের মধ্যে ভাবি—
অস্তসাগর-তলায় গেছে নাবি
অনেক সূর্য-ডোবার সঙ্গে অনেক আনাগোনা,
অনেক দেখাশোনা,
অনেক কীর্তি, অনেক মূর্তি, অনেক দেবালয়,
শক্তিমানের অনেক পরিচয় ।
তাদের হারিয়ে যাওয়ার ব্যথার টান লাগে না মনে,
কিন্তু যখন চেয়ে দেখি সামনে সবুজ বনে



ছায়ায় চরছে গোরু,
 মাঝ দিয়ে তার পথ গিয়েছে সরু,
 ছেয়ে আছে শুকনো বাঁশের পাতায়,
 হাট করতে চলে মেয়ে ঘাসের আঁঠি মাথায়,
 তখন মনে হঠাৎ এসে এই বেদনাই বাজে—
 ঠাই হবে না কোনোকালেই ঐ যা-কিছুর মাঝে ।
 ঐ যা-কিছুর ছবির ছায়া ছলেছে কোনকালে
 শিশুর-চিত্ত-নাচিয়ে-তোলা ছড়াগুলির তালে—
 তিরপূর্নির চরে
 বালি বুঝবুঝ করে,
 কোন্ মেয়ে সে চিকন-চিকন চুল দিচ্ছে ঝাড়ি,
 পরনে তার ঘুরে-পড়া ডুরে একটি শাড়ি ।
 ঐ যা-কিছু ছবির আভাস দেখি সাঁঝের মুখে
 মর্তধরার পিছু-ডাকা দোলা লাগায় বুকে ।

জ্যৈষ্ঠ ১৩৪৪

আলমোড়া



ভ্রমণী

মাটির ছেলে হয়ে জন্ম, শহর নিল মোরে
পোস্ত্রপুত্র ক'রে ।

ইট-পাথরের আলিঙ্গনের রাখল আড়ালটিকে
আমার চতুর্দিকে ।

বই প'ড়ে তাই পেতে হত ভ্রমণকারীর দেখা
ছাদের উপর একা ।

কষ্ট তাদের, বিপদ তাদের, তাদের শঙ্কা যত
লাগত নেশার মতো ।

পথিক যে জন পথে পথেই পায় সে পৃথিবীকে,
মুক্ত সে চৌদিকে ।

চলার ক্ষুধায় চলতে সে চায় দিনের পরে দিনে
অচেনাকেই চিনে ।

লড়াই ক'রে দেশ করে জয়, বহায় রক্তধারা,
ভূপতি নয় তারা ।

পলে পলে পার যারা হয় মাটির পরে মাটি
প্রত্যেক পদ হাঁটি—

নাইকো সেপাই, নাইকো কামান, জয়পতাকা নাই—
আপন বোঝা বাহি


অপথেও পথ পেয়েছে, অজানাতে জানা,
মানে নাইকো মানা—

মরু তাদের, মেরু তাদের, গিরি অভ্রভেদী
তাদের বিজয়বেদী ।

সবার চেয়ে মানুষ ভীষণ, সেই মানুষের ভয়
ব্যাঘাত তাদের নয় ।
তারাই ভূমির বরপুত্র, তাদের ডেকে কই,
তোমরা পৃথ্বীজয়ী ।

৬ আষাঢ় ১৩৪৪

[আলমোড়া]



আকাশপ্রদীপ

অন্ধকারের সিন্ধুতীরে একলাটি ঐ মেয়ে
আলোর নৌকা ভাসিয়ে দিল আকাশ-পানে চেয়ে ।
মা যে তাহার স্বর্গে গেছে এই কথা সে জানে,
ঐ প্রদীপের খেয়া বেয়ে আসবে ঘরের পানে ।
পৃথিবীতে অসংখ্য লোক, অগণ্য তার পথ,
অজানা দেশ কত আছে অচেনা পর্বত,
তারই মধ্যে স্বর্গ থেকে ছোট্ট ঘরের কোণ
যায় কি দেখা যেথায় থাকে ছুটিতে ভাইবোন !
মা কি তাদের খুঁজে খুঁজে বেড়ায় অন্ধকারে,
তারায় তারায় পথ হারিয়ে যায় শূন্যের পারে !
মেয়ের হাতের একটি আলো জ্বালিয়ে দিল রেখে,
সেই আলো মা নেবে চিনে অসীম দূরের থেকে ।
ঘুমের মধ্যে আসবে ওদের চুমো খাবার তরে
রাতে রাতে মা-হারা সেই বিছানাটির 'পরে ।

৮ শ্রাবণ ১৩৪৪

পতিসর

প্রকাশক শ্রীকানাই সামন্ত
বিশ্বভারতী । ৬/৩ দ্বারকানাথ ঠাকুর লেন । কলিকাতা ৭

মুদ্রক শ্রীহর্ষনারায়ণ ভট্টাচার্য
তাপসী প্রেস । ৩০ কর্নওয়ালিস স্ট্রীট । কলিকাতা ৬

